



09972

文山先生全集卷一

宋文天祥著

御試策一道 有題

涇縣潘錫恩校

四庫全書

卷一百一

蓋聞道之大原出於天超乎無極太極之妙而實不離乎日用事物之常根乎陰陽五行之蹟而實不外乎仁義禮智剛柔善惡之際天以澄著地以靖謐人極以昭明何莫由斯道也聖聖相傳同此一道由修身而治人由致知而齊家治國平天下本之精神心術達之禮樂刑政其體甚微其用則廣歷千萬世而不可易然功化有淺深證效有遲速者何歟朕以寡昧臨政願治于茲歷年志愈勤道愈遠宥乎其未朕也朕心疑焉子大夫明先聖之術咸造在廷必有切至之論朕將虛己以聽三墳而上大道難名五典以來常道始著日月星辰順乎上鳥獸草木若於下九功惟叙四夷乾坤正氣集 卷八十七 一

來王百工熙哉庶事康哉非聖神功化之驗歟然人心道心寂寥片語其危微精一之妙不可以言旣歟誓何爲而畔會何爲而疑俗何以不若結繩治何以不若畫像以政凝民以禮凝士以天保采薇治內外憂勤危懼僅克有濟何帝王勞逸之殊歟抑隨時損益道不同歟及夫六典建官蓋爲民極則不過曰治曰教曰禮曰政曰刑曰事而已豈道之外又有法歟自時厥後以理欲之消長驗世道汗隆陰濁之日常多陽明之日常少刑名雜霸佛老異端無一毫幾乎道駭乎無以議爲然務德化者不能無上郡雁門之警施仁義者不能無末年輪臺之悔甚而無積仁累德之素紀綱制度爲足維持憑藉者又何歟朕上嘉下樂夙興夜寐靡遑康寧道久而未洽化久而未成天變游臻民生寡遂人才乏而士習淳國計殫而兵力弱苻澤未清邊備孔棘豈道不足以御世歟抑化

哉推行有未至歟夫不息則久久則徵今胡爲而未徵歟變則通  
通則久今其可以屢更歟子大夫熟之復之勿激勿泛以副朕詳  
延之意寶祐四年五月八日

臣對恭惟皇帝陛下處常之久當泰之交以二帝三王之道會諸  
心將三紀于此矣臣等鼓舞於鳶飛魚躍之天皆道體流行中之  
一物不自意得旅進于陛下之庭而陛下且嘉之論道道之不行  
也久矣陛下之言及此天地神人之福也然臣所未解者今日已  
當道久化成之時道洽政治之候而方歉焉有志勤道遠之疑豈  
望道而未之見耶臣請泝太極動靜之根推聖神功化之驗就以  
聖問中不息一語爲陛下勉幸陛下試垂聽焉臣聞天地與道同  
一不息聖人之心與天地同一不息上下四方之宇往古來今之  
宙其間百千萬變之消息盈虛百千萬事之轉移闔闢何莫非道

乾坤正氣集

卷八十七

二

所謂道者一不息而已矣道之隱於渾淪藏於未瑀未琢之天當  
是時無極太極之體也自太極分而陰陽則陰陽不息道亦不息  
陰陽散而五行則五行不息道亦不息自五行又散而爲人心之  
仁義禮智剛柔善惡則乾道成男坤道成女穹壤間生生化化之  
不息而道亦與之相爲不息然則道一不息天地亦一不息天地  
之不息固道之不息者爲之聖人出而爲天地立心爲生民立命  
爲往聖繼絕學爲萬世開太平亦不過以一不息之心充之充之  
而修身治人此一不息也充之而致知以至齊家治國平天下此  
一不息也充之而自精神心術以至於禮樂刑政亦此一不息也  
自有三墳五典以來以至於太平六典之世帝之所以帝王之所  
以王皆自其一念之不息者始秦漢以降而道始離非道之離也  
知道者之鮮也雖然其間英君諠辟固有號爲稍稍知道矣而又

沮於行道之不力知務德化矣而不能不尼之以黃老知施仁義矣而不能不邇之以多欲知四年行仁矣而不能不畫之以近效上下二三千年間牽補過時架漏度日毋恠夫駁乎無以議爲也獨惟我朝式克至于今日休陛下傳列聖之心以會藝祖之心會藝祖之心以參帝王之心參天地之心三十三年間臣知陛下不貳以二不叅以三茫乎天運宵爾神化此心之天混兮關兮其無窮也然臨御浸久持循浸熟而算計見效猶未有以大快聖心者上而天變不能以盡無下而民生不能以盡遂人才士習之未甚純國計兵力之未甚充以至盜賊兵戈之警所以貽宵旰之憂者尤所不免然則行道者殆無驗也邪臣則以爲道非無驗之物也道之功化甚深也而不可以爲迂道之證效甚遲也而不可以爲速維天之命於穆不已天地之所以爲天地也之德之純純亦不

乾坤正氣集

卷八十七

三

已聖人之所以爲聖人也爲治願力行何如耳焉有行道於歲月之暫而遠責其驗之爲迂且遠邪臣之所望於陛下者法天地之不息而已姑以近事言則責躬之言方發而陰雨旋霽是天變未嘗不以道而弭也賑饑之典方舉而都民歡呼是民生未嘗不以道而安也論辯建明之詔一頒而人才士習稍稍渾厚招填條具之旨一下而國計兵力稍稍充實安吉慶元之小獲維揚瀘水之雋功無非憂勤於道之明驗也然以道之極功論之則此淺效耳速效耳指淺效速效而遠以爲道之極功則漢唐諸君之用心是也陛下行帝而帝行王而王而肯襲漢唐事邪此臣所以贊陛下之不息也陛下儻自其不息者而充之則與陰陽同其化與五行同其運與乾坤生生化化之理同其無窮雖充而爲三紀之風移俗易可也雖充而爲四十年圓空刑措可也雖充而爲百年德洽

於天下可也雖充而爲卜世過歷億萬年敬天之休可也豈止如聖問八者之事可徐就理而已哉臣謹昧死上愚對臣伏讀聖策曰蓋聞道之大原出於天超乎無極太極之妙而實不離乎日用事物之常根乎陰陽五行之蹟而實不外仁義禮智剛柔善惡之際天以澄著地以靖謐人極以昭明何莫由斯道也聖聖相傳同此一道由修身而治人由致知而齊家治國平天下本之於精神心術達之於禮樂刑政其體甚微其用則廣歷千萬世而不可易然功化有淺深證效有遲速何歟朕以寡昧臨政願洽于茲歷年志愈勤道愈遠宵乎其未朕也朕心疑焉子大夫明先王之術咸造在庭必有切至之論朕將虛已以聽臣有以見陛下邇道之本原求道之功效且疑而質之臣等也臣聞聖人之心天地之心也天地之道聖人之道也分而言之則道自道天地自天地聖人自

乾坤正氣集

卷八十七

四

聖人合而言之則道一不息也天地一不息也聖人亦一不息也臣請邇其本原言之茫茫堪輿塊圪無垠渾渾元氣變化無端人心仁義禮智之性未賦也人心剛柔善惡之氣未稟也當是時未有人心先有五形未有五行先有陰陽未有陰陽先有無極太極未有無極太極則太虛無形冲漠無朕而先有此道未有物之先而道具焉道之體也既有物之後而道行焉道之用也其體則微其用甚廣卽人心而道在人心卽五行而道在五行卽陰陽而道在陰陽卽無極太極而道在無極太極貫顯微兼費隱包小大通物我道何以若此哉道之在天下猶水之在地中地中無往而非水天下無往而非道水一不息之流也道一不息之用也天以澄著則日月星辰循其經地以靖謐則山川草木順其常人極以昭明則君臣父子安其倫流行古今綱紀造化何莫由斯道也一日

而道息焉雖三才不能以自立道之不息功用固如此夫聖人體天地之不息者也天地以此道而不息聖人亦以此道而不息聖人立不息之體則歛於修身推不息之用則散於治人立不息之體則寓於致知以下之工夫推不息之用則顯於齊家治國平天下之效驗立不息之體則本之精神心術之微推不息之用則達之禮樂刑政之著聖人之所以爲聖人者猶天地之所以爲天地也道之在天地間者常久而不息聖人之於道其可以頃刻息邪言不息之理者莫如大易莫如中庸大易之道至於乾道變化各正性命保合太和而聖人之論法天乃歸之自強不息中庸之道至於溥博淵泉上天之載無聲無臭而聖人之論配天地乃歸之不息則久豈非乾之所以剛健中正純粹精也者一不息之道耳是以法天者亦以一不息中庸之所以高明博厚悠久無疆者一

乾坤正氣集

卷八十七

五

不息之道耳是以配天地者亦以一不息以不息之心行不息之道聖人卽不息之天地也陛下臨政願治于茲歷年前此不息之歲月猶日之自朝而午今此不息之歲月猶日之至午而中此正勉強行道大有功之日也陛下勿謂數十年間我之所以擔當宇宙把握天地未嘗不以此道至于今日而道之驗如此其迂且遠矣以臣觀之道猶百里之途也今日則適六七十之候也進於道者不可以中道而廢游於途者不可以中途而晝孜孜矻矻而不自已焉則適六七十里者固所以爲至百里之階也不然自止於六七十里之間則百里雖近焉能以一武到哉道無淺功化行道者何可以深爲迂道無速證效行道者何可以遲爲遠惟不息則能極道之功化惟不息則能極道之證效氣機動盪於三極之間神采灌注於萬有之表要自陛下此一心始臣不暇遠舉請以仁

宗皇帝事爲陛下陳之仁祖一不息之天地也康定之詔曰祇勤抑畏慶歷之詔曰不敢荒寧皇祐之詔曰緬念爲君之難深惟履位之重慶歷不息之心卽康定不息之心也皇祐不息之心卽慶歷不息之心也當時仁祖以道德感天心以福祿勝人力國家綏靜邊鄙寧謐若可以已矣而猶未也至和元年仁祖之三十三年也方且露立仰天以畏天變碎通天犀以救民生處賈黯吏銓之職擢公弼殿柱之名以厚人才以昌士習納景初減用之言聽范鎮新兵之諫以裕國計以強兵力以至講周禮薄征緩刑而拳拳以盜賊爲憂選將帥明紀律而汲汲以西戎北虜爲慮仁祖之心至此而不息則與天地同其悠久矣陛下之心仁祖之心也范祖禹有言欲法堯舜惟法仁祖臣亦曰欲法帝王惟法仁祖法仁祖則可至天德願加聖心焉臣伏讀聖策曰三墳以上云云豈道之

乾坤正氣集

卷八十七

六

外又有法歟臣有以見陛下慕帝王之功化證效而亦意其各有淺深遲速也臣聞帝王行道之心一不息而已矣堯之兢兢舜之業業禹之孜孜湯之慄慄文王之不已武王之無貳成王之無逸皆是物也三墳遠矣五典猶有可論者臣嘗以五典所載之事推之當是時日月星辰之順以道而順也鳥獸草木之若以道而若也九功惟叙以道而叙也四夷來王以道而來王也百工以道而熙庶事以道而康光天之下至於海隅蒼生蓋無一而不拜帝道之賜矣垂衣拱手以自逸于土階巖廊之上夫誰曰不可而堯舜不然也方且考績之法重於三歲無歲而敢息也授歷之命嚴於四時無月而敢息也凜凜乎一日二日之戒無日而敢息也此猶可也授受之際而堯之命舜乃曰允執厥中夫謂之執者戰兢兢保持而不敢少放之謂也味斯語也則堯之不息可見已河圖出矣

洛書見矣執中之說未聞也而堯獨言之堯之言贅矣而舜之命禹乃復益之以人心惟危道心惟微惟精惟一之再三言夫致察於危微精一之間則其戰兢保持之念又有甚於堯者舜之心其不息又何如哉是以堯之道化不惟驗於七十年在位之日舜之道化不惟驗於五十年視阜之時讀萬世永賴之語則唐虞而下數千百年間天得以爲天地得以爲地人得以爲人者皆堯舜之賜也然則功化抑何其深證效抑何其遲歟降是而王非固勞於帝者也太樸日散風氣日開人心之機械日益巧世變之乘除不息而聖人之所以綱維世變者亦與之相爲不息焉俗非結繩之淳也治非畫象之古也師不得不誓侯不得不會民不得不凝之以政士不得不凝之以禮內外異治不得不以采薇天保之治治之以至六典建官其所以曰治曰政曰禮曰教曰刑曰事者亦無非

扶世道而不使之窮耳以勢而論之則夏之治不如唐虞商之治又不如夏周之治又不如商帝之所以帝者何其逸王之所以王者何其勞慄慄危懼不如非心黃屋者之爲適也始於憂勤不如恭已南面者之爲安也然以心而觀則舜之業業卽堯之兢兢禹之孜孜卽舜之業業湯之慄慄卽禹之孜孜文王之不已武王之無貳成王之無逸何莫非兢兢業業孜孜慄慄之推也道之散於宇宙間者無一日息帝王之所以行道者亦無一日息帝王之心天地之心也尙可以帝者之爲逸而王者之爲勞耶臣願陛下求帝王之道必求帝王之心則今日之功化證效或可與帝王一視矣臣伏讀聖策曰自時厥後云云亦足以維持憑藉者何歟臣有以見陛下陋漢唐之功化證效而且爲漢唐世道發一慨也臣聞不息則天息則人不息則理息則欲不息則陽明息則陰濁漢唐

諸君天資敏地位高使稍有進道之心則六五帝四三王亦未有難能者奈何天不足以制人而天反爲人所制理不足以御欲而理反爲欲所御陽明不足以勝陰濁而陽明反爲陰濁所勝是以勇於進道者少沮於求道者多漢唐之所以不唐虞三代也歟雖然爲不知道者言也其間亦有號爲知道者矣漢之文帝武帝唐之太宗亦不可謂非知道者然而亦有議焉先儒嘗論漢唐諸君以公私義利分數多少爲治亂三君之心往往不純乎天不純乎人而出入於天人之間不純乎理不純乎欲而出入乎理欲之間不純乎陽明不純乎陰濁而出入乎陽明陰濁之間是以專務德化雖足以陶後元泰和之風然而尼之以黃老則雁門上郡之警不能無外施仁義雖足以致建元富庶之盛然而遏之以多欲則輪臺末年之悔不能免四年行仁雖足以開眞觀升平之治然

而畫之以近效則紀綱制度會不足爲再世之憑藉蓋有一分之道心者固足以就一分之事功有一分之心者亦足以召一分之事變世道汗隆之分數亦係於理欲消長之分數而已然臣嘗思之漢唐以來爲道之累者其大有二一曰雜伯二曰異端時君世主有志於求道者不陷於此則陷於彼姑就三君而言則文帝之心異端累之也武帝太宗之心雜伯累之也武帝無得於道憲章六經統一聖眞不足以勝其神仙土木之私干戈刑罰之慘其心也荒太宗全不知道閭門之恥將相之誇末年遼東一行終不能以克其血氣之暴其心也驕雜伯一念憧憧往來是固不足以語常久不息之事者若文帝稍有帝王之天資稍有帝王之地步一以君子長者之道待天下而晁錯輩刑名之說未嘗一動其心是不累於雜伯矣使其以二三十年恭儉之心而移之以求道則

後元氣象且將駸駸乎商周進進乎唐虞奈何帝之純心又間於黃老之清淨是以文帝僅得爲漢唐之令主而不得一儕於帝王嗚呼武帝太宗累於雜伯君子固不敢以帝王事望之文帝不爲雜伯所累而不能不累於異端是則重可惜已臣願陛下監漢唐之跡必監漢唐之心則今日之功化證效將超漢唐數等矣臣伏讀聖策曰朕上嘉下樂云云抑化裁推行有未至歟臣有以見陛下念今日八者之務而甚有望焉爲道之驗也臣聞天變之來民怨招之也人才之乏士習蠱之也兵力之弱國計屈之也虜寇之警盜賊因之也夫陛下以上嘉下樂之勤夙興夜寐之勞帳歲月之逾邁亦欲以少見吾道之驗耳俯視一世未能差強人意八者之弊臣知陛下爲此不滿也陛下分而以八事問臣合而以四事對請得以熟數之於前何謂天變之來民怨招之也天視自我民

乾坤正氣集

卷八十七

九

視天聽自我民聽天明畏自我民明威人心之休戚天心所因以爲喜怒者也熙寧間大旱是時河陝流民入京師監門鄭俠畫流民圖以獻且曰陛下南征北伐皆以勝捷之圖來上料無一人以父母妻子遷移困頓皇皇不給之狀爲圖以進者覽臣之圖行臣之言十日不雨乞正欺君之罪上爲之罷新法十八事京師大雨八日天人之交間不容髮載在經史此數甚多陛下以爲今之民生何如邪今之民生困矣自瓊林大盈積於私貯而民困自建章通天頰於營繕而民困自獻助壘見於豪家巨室而民困自和糴不問於閭閻下戶而民困自所至貪官暴吏視吾民如家雞圈豕惟所咀啖而民困嗚呼東南民力竭矣書曰怨豈在明不見是圖今尙可謂之不見乎書曰怨不在大亦不在小今尙可謂之小平生斯世爲斯民仰事俯育亦欲各遂其父母妻子之樂而操斧斤

淬鋒鏑日夜思所以斬伐其命脈者滔滔皆是然則臘雪靳瑞蟄雷愆期月犯於木星殞爲石以至土雨地震之變無恠夫屢書不一書也臣願陛下持不息之心急求所以爲安民之道則民生旣和天變或於是而弭矣何謂人才之乏士習蠱之也臣聞窮之所養達之所施幼之所學壯之所行今日之修於家他日之行於天子之庭者也國初諸老嘗以厚士習爲先務寧收落韻之李迪不取鑿說之賈邊寧收直言之蘇轍不取險恠之劉幾建學校則必欲崇經術復鄉舉則必欲參行藝其後國子監取湖學法建經學治道邊防水利等齋使學者因其名以求其實當時如程頤徐積呂希哲皆出其中嗚呼此元祐人物之所從出也士習厚薄最關人才從古以來其語如此陛下以爲今之士習何如耶今之士大夫之家有子而教之方其幼也則授其句讀擇其不戾於時好不

震十有司者俾熟復焉及其長也細書爲工累牘爲富持試於鄉校者以是較藝於科舉者以是取青紫而得車馬也以是父兄之所教詔師友之所講明利而已矣其能卓然自拔於流俗者幾何人哉心術旣壞於未仕之前則氣節可想於旣仕之後以之領郡邑如之何責其爲卓茂黃霸以之鎮一路如之何責其爲蘇章何武以之曳朝紳如之何責其爲汲黯望之奔競於勢要之路者無恠也趨附於權貴之門者無恠也牛維馬繫狗苟蠅營患得患失無所不至者無恠也悠悠風塵靡靡媮俗清芬消歇濁滓橫流惟皇降衷秉彜之懿萌蘖於牛羊斧斤相尋之衝者其有幾哉厚今之人材臣以爲變今之士習而後可也臣願陛下持不息之心急求所以爲淑士之道則士風一淳人才或於是而可得矣何謂兵力之弱國計屈之也謹按國史治平間遣使募京畿淮南兵司馬

光言邊臣之請兵無窮朝廷之募兵無已倉庫之粟帛有限百姓之膏血有涯願罷招禁軍訓練舊有之兵自可備禦臣聞古今天下能免於弱者必不能免於貧能免於貧者必不能免於弱一利之興一害之伏未有交受其害者今之兵財則交受其害矣自東海城築而調淮兵以防海則兩淮之兵不足自襄樊復歸而併荆兵以城襄則荆湖之兵不足自腥氣染於漢水冤血濺於寶峰而正軍忠義空於死徙者過半則川蜀之兵又不足江淮之兵又抽而入蜀又抽而實荆則下流之兵愈不足矣荆湖之兵又分而策應分而鎮撫則上流之兵愈不足矣夫國之所恃以自衛者兵也而今之兵不足如此國安得而不弱哉扶其弱而歸之強則招兵之策今日直有所不得已者然召募方新調度轉急問之大農大農無財問之版曹版曹無財問之餉司餉司無財自歲幣銀絹外

乾坤正氣集

卷八十七

十一

未聞有畫一策爲軍食計者是則弱矣而又未免於貧也陛下自肝鬲近又創一安邊太平庫專一供軍此藝祖積縑帛以易賊首之心也仁宗皇帝出錢帛以助兵革之心也轉易之間風采立異前日之弱者可強矣然飛芻輓粟給餉餽糧費於兵者幾何而琳宮梵宇照耀湖山土木之費則漏卮也列竈雲屯樵蘇後費費於兵者幾何而霓裳羽衣靡金飾翠宮庭之費則尾閭也生熟口券月給衣糧費於兵者幾何而量珠輦玉倖寵希恩戚畹之費則濫觴也蓋天下之財專以供軍則財未有不足者第重之以浮費重之以冗費則財始瓶罄而壘恥矣如此則雖欲足兵其何以給兵耶臣願陛下持不息之心急求所以爲節財之道則財計以充兵力或於是而可強矣何謂虜寇之警盜賊因之也謹按國史紹興間楊么寇洞庭連跨數郡大將王瓌不能制時僞齊挾虜使李成

寇襄漢么與交通朝廷患之始命岳飛措置上流已而逐李成擒楊么而荆湖平臣聞外之虜寇不能爲中國患而其來也必待內之變內之盜賊亦不能爲中國患而其起也必將納外之侮盜賊而至於通虜寇則腹心之大患也已今之所謂虜者固可畏矣然而逼我蜀則蜀帥策瀘水之勲窺我淮則淮帥奏維揚之凱狼子野心固不可以一捷止之然使之無得棄去則中國之技未爲盡出其下彼亦猶畏中國之有其人也獨惟舊海在天一隅逆雛穴之者數年于茲颶風瞬息一葦可航彼未必不朝夕爲趨浙計然而未能焉短於舟疎於水懼吾唐島之有李寶在耳然洞庭之湖烟水沉寂而浙右之湖濤瀾沸驚區區妖孽且謂有楊么之漸矣得之京師之耆老皆以爲此寇出沒倏閃往來翕霍駕舟如飛運柁如神而我之舟師不及焉夫東南之長技莫如舟師我之勝兀

乾坤正氣集

卷八十七

三

木於金山者以此我之斃逆亮於采石者以此而今此曹反挾之以制我不武甚矣萬一或出於楊么之計則前日李成之不得志於荆者未必今日之不得志於浙也曩聞山東薦饑有司貪市權之利空蘇湖根本以資之廷紳猶謂互易安知無爲其鄉道者一夫登岸萬事瓦裂又聞魏村江灣福山三寨水軍興販鹽課以資逆雛廷紳猶謂是以扞衛之師爲商賈之事以防拓之卒開鄉道之門憂時識治之見往往如此肘腋之蜂蠆懷袖之蛇蝎是其可以忽乎哉陛下近者命發運兼憲合兵財而一其權是將爲滅此朝食之圖矣然屯海道者非無軍控海道者非無將徒有王瓌數年之勞未聞岳飛八日之捷子太叔平苻澤之盜恐不如此長此不已臣懼爲李成開道地也臣願陛下持不息之心求所以弭寇之道則寇難一清邊備或於是而可寬矣臣伏讀聖策曰夫不息

則久久則徵今胡爲而未徵歟變則通通則久今其可以屢更歟臣有以見陛下久於其道而甚有感乎中庸大易之格言也臣聞天久而不墜也以運地久而不隕也以轉水久而不腐也以流日月星辰而常新也以行天下之凡不息者皆以久也中庸之不息卽所以爲大易之變通大易之變通卽所以驗中庸之不息變通者之久固肇於不息者之久也蓋不息者其心變通者其跡其心不息故其跡亦不息游乎六合之內而縱論乎六合之外生乎百世之下而追想乎百世之上神化天造天運無端發微不可見充周不可窮天地之所以變通固自其不息者爲之聖人之久於其道亦法天地而已矣天地以不息而久聖人亦以不息而久外不息而言久焉皆非所以久也臣嘗讀無逸一書見其享國之久者有四君焉而其間三君爲最久臣求其所以久者中宗之心嚴恭

乾坤正氣集

卷八十七

三

寅畏也高宗之心不敢荒寧也文王之心無淫于逸無遊于畋也是三君者皆無逸而已矣彼之無逸臣之所謂不息也一無逸而其效如此然則不息者非所以久歟陛下之行道蓋非一朝夕之暫矣寶紹以來則涵養此道端平以來則發揮此道嘉熙以來則把握此道嘉熙而淳祐淳祐而寶祐十餘年間無非持循此道之歲月陛下處此也庭燎未輝臣知其宵衣以待日中至昃臣知其玉食弗遑夜漏已下臣知其丙枕無寐聖人之運亦可謂不息矣然既往之不息者易方來之不息者難久而不息者易愈久而愈不息者難斯臨大庭百辟星布陛下之心此時固不息矣暗室屋漏之隱試一警省則亦能不息否乎日御經筵學士雲集陛下之心此時固不息矣宦官女子之近試一循察則亦能不息否乎不

於彼乍勤乍怠乍作乍輟則不息之純心間矣如此則陛下雖欲  
久則徵臣知中庸九經之治未可以朝夕見也雖欲通則久臣知  
繫辭十三卦之功未可以歲月計也淵蝸蟻濩之中虛明應物之  
地此全在陛下自斟酌自執持頃刻之力不繼則愆久之功俱廢  
矣可不戒哉可不懼哉陛下之所以策臣者悉矣臣之所以忠於  
陛下者亦既略陳於前矣而陛下策之篇終復曰子大夫熟之復  
之勿激勿泛以副朕詳延之意臣伏讀聖策至此陛下所謂詳延  
之意蓋可識已夫陛下自卽位以來未嘗以直言罪士不惟不罪  
之以直言而且導之以直言臣等嘗恨無由以至天子之庭以吐  
其素所蓄積幸見錄於有司得以借玉階方寸地此正臣等披露  
肺腑之日也方將明日張膽謦謦謬言天下事陛下乃戒之以  
勿激勿泛夫泛固不切矣若夫激者忠之所發也陛下胡併與激  
乾坤正氣集

卷八十七

十四

者之言而厭之邪厭激者之言則是將胥臣等而爲容容唯唯之  
歸邪然則臣將爲激者歟將爲泛者歟抑將遷就陛下之說而姑  
爲不激不泛者歟雖然奉對大庭而不激不泛者固有之矣臣於  
漢得一人焉曰董仲舒方武帝之策仲舒也慨然以欲聞大道之  
要爲問帝之求道其心蓋甚銳矣然道以大言帝將求之虛無渺  
冥之鄉也使仲舒於此過言之則激淺言之則泛仲舒不激不泛  
得一說曰正心武帝方將求之虛無渺冥之鄉仲舒乃告之以眞  
實淺近之理茲陛下所謂切至之論也奈何武帝自恃其區區英  
明之資超偉之識謂其自足以凌跨六合籠駕八表而顧如此語  
忽焉仲舒以江都去而武帝所與論道者他有人矣臣固嘗爲武  
帝惜也堂堂天朝固非漢比而臣之賢亦萬不及仲舒然亦不敢  
激不敢泛切於聖問之所謂道者而得二說焉以爲陛下獻陛下

試采覽焉一日重宰相以開公道之門臣聞公道在天地間不可一日壅闕所以昭蘇而滌決之者宰相責也然扶公道者宰相之責而主公道者天子之事天子而侵宰相之權則公道已矣三省樞密謂之朝廷天子所與謀大政出大令之地也政令不出於中書昔人謂之斜封墨勅非盛世事國初三省紀綱甚正中書造命門下審覆尙書奉行官府之事無一不統於宰相是以李沆猶得以焚立妃之詔王旦猶得以沮節度之除韓琦猶得出空頭勅以逐內侍杜衍猶得封還內降以裁僥倖蓋宰相之權尊則公道始有所依而立也今陛下之所以爲公道計者非不悉矣以夤緣戒外戚是以公道責外戚也以裁制戒內司是以公道責內司也以舍法用例戒羣臣是以公道責外廷也雷霆發彗星日燭幽天下於此咸服陛下之明然或謂比年以來大庭除授於義有所未安

乾坤正氣集

卷八十七

五

於法有所未便者悉以聖旨行之不惟諸司陞補上瀆宸奎而統師躡級閣職超遷亦以夤緣而得恩澤矣不惟姦賊湔洗上勞渙汗而選人通籍姦胥遁刑亦以鑽刺而拜寵命矣甚至閭閻瑣屑之鬪訟皂隸猥賤之干求悉達內庭盡由中降此何等蟻蝨事而陛下以身親之大臣幾於爲奉承風旨之官三省幾於爲奉行文書之府臣恐天下公道自此壅矣景祐間罷內降凡詔令皆由中書樞密院仁祖之所以主張公道者如此今進言者猶以事當間出睿斷爲說嗚呼此亦韓絳告仁祖之辭也朕固不憚自有處分不如先盡大臣之慮而行之仁祖之所以諭絳者何說也柰何復以絳之說啟人主以奪中書之權是何心哉宣靖間創御筆之令蔡京坐東廊專以奉行御筆爲職其後童貫梁師成用事而天地爲之分裂者數世是可鑑矣臣願陛下重宰相之權正中書之體

凡內批必經由中書樞密院如先朝故事則天下幸甚宗社幸甚  
二曰收君子以壽直道之脈臣聞直道在天地間不可一日頽靡  
所以光明而張主之者君子責也然扶直道者君子之責而主直  
道者人君之事人君而至於沮君子之氣則直道已矣夫不直則  
道不見君子者直道之倡也直道一倡於君子昔人謂之鳳鳴朝  
陽以爲清朝賀國朝君子氣節大振有魚頭參政有鶻擊臺諫有  
鐵面御史軍國之事無一不得言於君子是以司馬光猶得以殛  
守忠之姦劉摯猶得以折李憲之橫范祖禹猶得以罪宋用臣張  
震猶得以擊龍大淵會覲蓋君子之氣伸則直道始有所附而行  
也今陛下之所以爲直道計者非不至矣月有供課是以直道望  
諫官也日有輪劄是以直道望廷臣也有轉對有請對有非時召  
對是以直道望公卿百執事也江海納汗山藪藏疾天下於此咸  
乾坤正氣集

卷八十七

六

服陛下之量然或謂比年以來外廷議論於已有所未協於情有  
所未忍者悉以聖意斷之不惟言及乘輿上勤節貼而小小予奪  
小小廢置亦且寢罷不報矣不惟事關廊廟上煩調停而小小抨  
彈小小糾劾亦且宣諭不已矣甚者意涉區區之貂璫論侵瑣瑣  
之姻婭不恤公議反出諫臣此何等狐鼠輩而陛下以身庇之御  
史至於來和事之譏臺吏至於重訖了之報臣恐天下之直道自  
此沮矣康定間歐陽脩以言事出未幾卽召以諫院至和間唐介  
以言事貶未幾卽除以諫官仁祖之所以主直道者如此今進言  
者猶以臺諫之勢日橫爲疑嗚呼茲非富弼忠於仁祖之意也弼  
傾身下士寧以宰相受臺諫風旨弼之自處何如也柰何不知弼  
之意反啟人君以厭君子之言是何心哉元符間置看詳理訴所  
而士大夫得罪者八百餘家其後鄒浩陳瓘去國無一人敢爲天

下伸一喙者是可鑒已臣願陛下壯正人之氣養公論之鋒凡以直言去者悉召之于霜臺烏府中如先朝故事則天下幸甚宗社幸甚蓋大道之行天下爲公周道如砥其直如矢自古帝王行道者無先於此也臣來自山林有懷欲吐陛下悵然疑吾道之迂遠且慨論乎古今功化之淺深證效之遲速而若有大不滿於今日者臣則以爲非行道之罪也公道不在中書直道不在臺諫是以陛下行道用力處雖勞而未遽食道之報耳果使中書得以公道總政要臺諫得以直道糾官邪則陛下雖端冕凝旒於穆清之上所謂功化證效可以立見何至積三十餘年之工力而志勤道遠渺焉未有際邪臣始以不息二字爲陛下勉終以公道直道爲陛下獻陛下萬幾之暇儻於是而加三思則躋帝王軼漢唐由此其階也已臣賦性疎愚不識忌諱握筆至此不自知其言之過於激

乾坤正氣集 卷八十七

對 亦不自知其言之過於泛冒犯天威罪在不赦惟陛下留神臣謹

己未上皇帝書

十一月吉日勅賜進士及第臣文天祥昧死百拜謹奉詔獻書于望帝陛下臣一介疎賤遭逢聖明猥以庸愚早膺親擢世道悠悠風塵流靡臣於其間蓋嘗感激奮發以爲由今之道無變今之俗一日有關於天下國家之故懼以無辱使令杜門四年讀禮之外蓋未嘗一日不思以自效也乃夏五陛下臨軒策士偶垂記憶起臣於家居進臣於仕籍臣伏被宸命感激不自勝追惟蒙恩之初阻於朝謝北望天路輒奉表以聞伏蒙聖慈許臣詣拜闕下德至渥也臣就道以來不圖國事浸艱邊烽頓迫陛下引咎責躬改過更始召還舊德斥去元姦凡可以當天意回人心者無所不用其

至伏惟陛下不自神聖猶親灑宸翰誕布詔書庶幾中外臣庶危言極論以有補於今日之故陛下悔悟之意上通於天天下於此感服陛下之勇臣甫及趨謝闕庭兩讀綸音爲之哽咽下泣君臣之義與天地並立况臣蒙被厚恩非衆人比使於此時泯泯默默上負陛下內負帝衷尙何以飲食於戴履間哉是用不避斧鉞輒奮愚衷條其說以獻惟陛下裁幸一日簡文法以立事夫貴爲天子富有四海垂衣拱手以雍容於穆清之上至尊之體也不幸際時艱難兵革四起俯仰成敗呼吸變故此非用馬上治不濟今國勢搶攘固猶未至如馬上之急然冠入腹心事于宗社陛下爲皇皇拯救之謀不得不略做馬上治之之意今陛下焦勞於上兩府大臣黽勉於下君臣之間不可謂非日計軍實而申儆之者然尊卑潤絕禮節繁多陛下平旦視朝百官以次奉起居宰相指笏出

乾坤正氣集

卷八十七

五

奏從容不踰時軍國大事此雖陛下日夜與宰相汲汲而圖之猶懼不旣謀王斷國之設施尊主庇民之蘊蓄豈能以頃刻交際而究竟之哉陛下退食之暇雖時出內批以與宰相商論宰相又時有奏報以出其建明然天下事得於面論者利害常決於一言筆墨所書或反覆數百言而不足事機交投寸陰可惜使宰相常有此等酬酢則一事之末固有費其日力者矣其於幾務豈不有所妨哉古者天子之於大臣或賜坐或賜食或奏事至日昃或論事至夜分凡皆以通上下之情爲國家至計也賜茶之典五代時猶有之惟國初范質王溥頗存形迹此事遂廢陛下莫若稍復古初脫去邊幅於禁中擇一去處聚兩府大臣日與議軍國大事陛下賜之款密親是非可否於其間衆議惟允則三省畫時施行上下如一都俞吁咈之間必將有超然度外之舉天下何事不可爲何

難不可濟至於除授尤有關係且如近者重臣建圖之事方帥海  
門隨遷建鄴甫鎮建鄴又進上饒布置變換如奕棋然卯詔辰行  
奔命不給大者措畫之如此小者遷徙之更多人無定志事無成  
謀當此艱危豈不誤事繼自今始陛下宜與大臣熟議某人備某  
職某人任某事人物權衡當而後用朝廷命令莫而後發如此則  
觀聽者不至皇惑驅馳者不至遲回人知其令出惟行則無輕朝  
廷之心士大夫知其可以展布四體則鞠躬盡瘁而無觀望其於  
國事厥非小補又如用一人也或出於陛下之拔擢或出於宰相  
之啟擬中書已費行移後省方及書讀或有不當又至繳駁比其  
不繳駁也則書黃徑下其人徑受命矣臺諫始從而有所指陳是  
致國論紛紜而內外職守遷移如傳舍施之平時雖有體統用之  
今日恐悞事機臣愚以爲陛下宜倣唐諫官隨宰相入閣故事令

乾坤正氣集

卷八十七

五

給舍臺諫從兩府大臣日入禁中聚議其有不可應時論難不使  
退有後言如此則國事無聚訟之譏宸命無反汗之失事會無濡  
滯蹉跌之悔豈不簡便易行哉若夫中書乃王政之所由出宰相  
之重又天子之所與論道經邦而不屑其他者也今宰相來於倉  
卒之中而制千里之難立於敗壞之後而責一旦之功此雖敏手  
不能以大有爲須是博采四方之謀旁盡天下之慮而後不僨於  
事側聞軍期文書填委叢積宰相以其開誠布公之歲月弊弊焉  
於調遣科降之間侍從近臣且日不暇相接矣諸葛亮以區區之  
蜀抗衡天下十分之九究其經濟大要則曰集衆思廣忠益今衆  
思不暇集忠益不暇廣宰相不得已竭其一心役其兩耳目日與  
文書期會相尋於無窮此豈其才之不逮哉我朝三省之法繁密  
細碎其勢固至此也柳宗元有言失在於制不在於政爲今之計

惟有重六部之權可以清中書之務今六部所司絕是簡省其間長貳當可缺員莫若移尙書省六房隸之六部如吏部得受丞相除授之旨而行省劄兵部得稟樞密調遣之命而發符移其他事權一倣諸此而又多置兩府屬官如檢正都承之類使知蜀事者置一員知淮事者置一員知諸路事者置若干員兩府日與其屬劇切講畫以治此寇而文書行移不與焉如此則大臣有從容之暇可以日見百官以及四方賢俊酬應簡則聰明全心志壹則利害審塞禍亂之路開功名之門當自此始惟陛下思之二日倣方鎮以建守今天下大患在於無兵而無兵之患以郡縣之制弊也祖宗矯唐末五代方鎮之弊立爲郡縣繁密之法使兵財盡關於上而守令不得以自專昔之擅制數州挾其力以爭衡上國者至此各拱手趨約束捲甲而藏之傳世彌久而天下無變然國勢由

乾坤正氣集

卷八十七

三

此浸弱而盜賊遂得恣睢於其間宣靖以來天下非無忠臣義士強兵猛將然各舉一州一縣之力以抗寇鋒是以折比不支而入於賊中興之臣識循環救弊之法蓋有建爲方鎮之議者矣失此不圖因循至今日削弱不振受病如前及今而不少變臣不知所以爲善後計矣今陛下命重臣建宣間節制江東西諸州官民兵財盡從調遣廟謨淵深蓋已得方鎮大意矣然既有宣間又有制司既有制置副使又有安撫副使事權俱重體統未明有如一項兵財宣闡方欲那移諸司又行差撥指揮之初各不相照承受之下將誰適從今日之事惟有略倣方鎮遺規分地立守爲可以行禍且如江西一路九江興國隆興與鄂爲鄰朝廷旣傾國之力以赴之姑所不論惟寇之至湖南者已宿堂奧此外八州其措置不容苟簡八州之中廬陵宜春最當衝要虜之爲兵其法常有所避

避入桂則出清湘避長沙則出衡陽今宜春見謂有兵惟廬陵猶此無備舍堅攻瑕棄實擊虛虜旣以此爲得策則夫避宜春而趨廬陵其計將必出於此州縣之事力有限守令之權勢素微虜至一城則一城創殘至一邑則一邑蕩潰事勢至此非人之愆若不別立規模何由戡定禍亂臣愚以爲莫若立一鎮於吉而以建昌南安贛隸之立一鎮於袁而以臨江撫瑞隸之擇今世知兵而有望者各令以四州從事其四州官吏許以自辟見在任者或畱或去惟帥府所爲去者令注別路差遣其四州財賦許以自用自交事一日始其上供諸色窠名盡予帥府交事以前見未解數目亦許截畱其四州軍兵見屬伍符者必寡弱而不振見行團結者必分散而不齊許於伍符團結之外別出措置收民丁以爲兵彼一州之緊急者得三州稍寬緩之力以爲之助三州之寬緩者得一

乾坤正氣集

卷八十七

三

州當其緊急而無後憂不出二三月如吉如袁其氣勢當自不同倣此而行之江東廣東無不可者夫郡縣方鎮之法其末皆有弊所貴乎聖人者惟能通變而推移之故郡縣所以矯方鎮之偏重方鎮所以救郡縣之積輕今郡縣之輕甚矣則夫立爲方鎮之法以少變其委瑣不足恃之勢真今日之第一義也陛下一日出其度外之見不次拔數人之沈鷲英果者委以數鎮俾各爲國家當一面則郡縣之間文移不至於太密事權不至於太分兵財得以自由而不至於重遲而不易舉旬月之間天下雷動雲合響應影從驅寇出境外雖以得志中原可也尙何惴惴宗社之憂哉三日就團結以抽兵抽兵之說臣前已開其端而其節目未悉也請再陳之夫取兵於民周井田唐府兵之遺法也今使者四出行營陣陣各處團結以自爲鄉井之衛疾行之中此亦庶幾善步者然

而無益也近時朝廷以保伍爲意官府下其事里胥爲里胥者沿門而行執筆以抄其戶口曰官命而各爲保伍也已而上其藉於官又從而聖通塗之壁取其甲分五五而書曰保伍如右所謂保伍者如此而已臣居廬陵往往有寇警則鄉里又起所謂義丁者一日隅總擊柝以告其一方曰寇至毋去諸而等各以某日聚某所習所以守望至其日也椎牛釀酒以待隨其所衣信其所持從而類編爲之伍一匝乎村墟井落之間翕然而聚忽然而散則義丁者又止如此而已今朝廷命使以團結州縣奉旨而行移計其規爲布置當有加密於臣所言者然某所若干人某所又若干人屬邑合狀帳申郡府郡府合狀帳申朝廷計其數目當自不少然其分也散而不一其合也多而不精故當其分則鄉村無以通於鎮市鎮市無以通於城郭虜突如其來彼一方者力不敵勢不支

乾坤正氣集

卷八十七

三

老弱未及揀教閱未及施雖有金鼓旗幟之物而未知坐作進退之節也雖有城池山澤之險而未知備禦攻守之方也且民之聚也使之自峙其糧自備其飲食則有所不能仰於官則無以給也有以給則又不能久也臣故曰無益也夫前所謂或千人或數百人此隅總一日能辦也今建言者不察其聚之易而用之難增兵之有名而拒寇之無實乃欲視其團結之多寡升降其官賞以爲勸且意其一日之急或者可驅而他之賈誼有言皆非事實知治亂之體者也陛下忱能委數州立一方鎮莫若俾爲帥者就團結之中凡二十家取其一人以備軍籍一部得二十萬家則可以得一萬精卒例而行之諸州則一鎮新兵當不下二三萬州郡見存之租賦可以備兵食見存之財利可以備軍需古人抽丁之法或取之三家或取之五家今官收其米以就爲養收其財以就爲用

既食其力不當又重役其人惟於二十家取其一則衆輕而易舉州縣號召之無難數月之內其事必集爲帥者教習以致其精鼓舞以出其銳山川其便習也人情其稔熟也出入死生之相爲命也鋒鏑之交貌相識而聲相應也如此兵者一鎮得二三萬人當凜凜然不下一敵國今諸路列鎮則精兵雖十餘萬可有也太祖皇帝南征北伐所至如破竹計其兵會不滿二十萬使吾於諸閫之外別得十萬精兵則何向而不可哉或曰國家經常皆用供億州縣財賦各有窠名今上流之兵未解江淮之餽如故使移此事力以給方鎮之兵如諸閫何嗚呼擇害莫若輕擇利莫若重臣蓋籌之審矣夫京湖之路旣梗則雖欲漕運而舟楫不能以前江廣之備旣虛則雖有財賦而土地不能以自保與其束手無措以委輪於虜孰若變通盡利以庶幾虜之可逐也且夫江廣旣全則吾

乾坤正氣集

卷八十七

三

之境內其惟正之供者尙多也陛下撫此厄運不得不勉自節縮曲爲通融多方以濟諸閫之急支吾年時寇必就盡然後一正吾之郡縣一復吾之經常未晚也不然殆未知其所終惟陛下深思亟圖之四曰破資格以用人本朝用人專守資格祖宗之深意將以習天下之才世雖有賢明忠智之人英偉奇傑之士亦必踐躅之多涉歷之熟積勞持久而後得至於高位養成遠大之器消弭僥倖之風人才世道胥有利賴然其弊也有才者常以無資格而不得遷不肖者常以不礙資格法而至於大用天下卒有變不肖者當之而有才者拱手熟視夫是以常遭國家之憂臣嘗見數年以來邊陲之間偶缺一帥陛下徬徨四顧弄印莫屬挨排應急不得已常取監司之風力者爲之趙魏老不可以爲滕薛大夫陛下非不知其然也他人資格或有未及而被適可得之雖其才具容

有不逮然猶意境外無事以幸其不至於敗缺比其敗缺則倉皇變易常至於失聲色而後已嗚呼此平世拘攣之弊也今天下事勢潰決已甚一有蹉跌事關存亡百夫不可輕擇將一壘不可輕畀守況其重者乎今自朝郎以上凡內之卿監侍從外之監司郡守紫朱其綬唱喝車蓋而出者不知幾人使其中果有非常之才堪任將帥則是望實既優資格又稱一日舉而置之萬夫百將之上誰曰不然然臣意陛下之未有其人也則夫宗社安危之機不可輕決於庸人而有資格者之手世之能辦事者固多矣三辰不軌拔士爲相蠻夷猾夏拔卒爲將事固各論其時也今何如時尙拘拘子子於資格之末臣觀州縣之間凡寮底小官馳騁於繁劇之會者蓋甚有之薦引之法浸弊於私而改官之格率爲勢要者所據孤寒之中獨無可任大事者乎三歲一貢士碌碌成事者衆

乾坤正氣集

卷八十七

五

而氣槩才識望于鄉里會不得一名薦書抱膝隆中杖策軍門固皆逢掖章甫之流也夫今日之士他日之官也今日之小官他日之爲公卿者也天下有事凡能擔當開拓排難解紛惟其才耳固有明知其人之有才而拘於資格之所不可則亦姑委棄之此豪傑之士所以痛心疾首於世變之會也陛下如建立方鎮收拾人才臣願明詔有司俾稍解繩墨以進英豪於資格之外重之以其任而輕授以官俟其有功則漸加其官而無易其位漢唐法度疎濶其一時人才常倜儻不羈本朝以道立國以儒立政則亦無取乎爾然至於今日事變叢生人物落落奈何不少變之哉至如諸州之義甲各有土豪諸峒之壯丁各有隅長彼其人望爲一州長雄其間蓋有豪武特達之才可以備總統之任一曰舉之以爲百校之長則將帥由是其選也其穎異通敏者引之於帷幄櫓組之

者交從而拔其尤者委之以人民社稷之重則人才不可勝用也至如山巖之氓市井之靡刑餘之流盜賊之屬其膽勇力絕足以先登其智辯機警足以間謀使貪使愚使詐使勇則羣策羣力皆吾屈也昔之方鎮食其土地用其人民拊循其士大夫馳策其跡弛之士故雖以區區之地常足以與天下爭雄今雖未至於此然陛下髣髴而行之則吾規模意氣固已一變前日之弱矣惟陛下熟計之幸甚夫古之爲天下國家者常有敵國相持之憂然而立乎四戰之衝雖將崩兵潰屢起屢仆而其國終不可動由卓然有所立故也今陛下奮發神斷赫然悔悟所以洗舊汙更宿弊如雷霆風雨交馳並至而不可禦陛下亦求所以爲自立矣而未得其方也自立之方臣前所獻之數條是已雖然臣意陛下未之能行則有說也何也悔悟之意未明也好人當國指天下能言之士謂

乾坤正氣集

卷八十七

五

之好名譁競使好名譁競者常在朝廷則清議之福陛下必及受用事應不至今日惟浸潤膚受爲毒已深而後陛下之人才盡逐陛下今旣悔悟矣然鋒車所召率未及前日擯棄流落之人或謂陛下猶有畏其不靖共之意夫今日之禍亂靖共之報也陛下猶有愛於貌爲靖共者邪此悔悟未明之一也三數年前縉紳之能出臆論事者旣爲奸人所屏學校之士猶卽闢壘不自已奸人疾其爲害已也託名學法重致意於禁上書之一條而後陛下之言路盡塞陛下今旣悔悟矣然食肉之徒未有能出一語以救陵遲之禍惟學校不憚懇懇以爲言彼其所陳固有未盡切實者陛下何不擇其善者而施行歟此悔悟未明之一也今有人焉陷於酒色湛溺而不自知元氣日耗蝕於內客邪日衝擊於外四肢百骸幾至解體一日條大悔悟自創其酒色之愆而使爲朋友僕御

者各得以勤攻己之短其爲身謀幾晚矣然知湛溺之爲病而猶諱其所從來則是病根固在也人非不知愛身彼諱病根而不肯決去者說其小而忘其大也陛下所以救社稷重於救身則夫病根所在何所顧惜而不之去歟高宗皇帝以麥飯豆粥之苦植立東南百四十年太平之基陛下嗣無疆大歷服所以撫摩愛養培億萬年丕天之休加用力焉不幸比者中外怨叛吾之赤子自延寇入室謀危國家蓋至今日遠近爲之荷擔宗社幾於綴旒天下之人追咎其失以爲聚斂之過而聚斂之事通國憤然怒罵以爲倡於陛下左右之人夫此一人者竊弄威權上累聖德其凶讎威惡蠹國害民者臣不能具數獨其攘臂聚斂招集奸凶爲陛下失民失土以貽宗社不測之憂者其罪莫甚焉趙簡子命尹鐸爲晉陽尹鐸曰繭絲乎保障乎簡子曰保障哉古之爲天下計者不屑

乾坤正氣集

卷八十七

美

於其小而惟遠者是圖不快於目前之求而常恐其一朝之患故雖簡子區區之大夫尹鐸區區之小吏其所規爲猶及於此國家之大不可以田舍翁自爲也後之人君思以富雄天下固有時出其聚斂之術然猶繭絲自繭絲保障自保障何物刑餘爲謀不臧率天下以共向繭絲之的而保障之地亦不得免焉繭絲之毒不可忍而後保障之禍不可爲陛下問者屢出內帑金帛分給諸司期有救於難然調度方殷兵革又不得息前日聚繭絲之得未什伯今日救保障之費蓋千萬億楛而未有已也嗚呼誰生厲階至今爲梗向使此人者不以聚斂斫伐祖宗涵洪寬大之仁蠹賊陛下神明英武之德則必不妄籍民財以入修內司必不豪奪民產以實御莊必不諧價西園以布中外貪酣之寵必不交通南牙以開朝廷污濁之門如此則奸人必不得竊據相位徧置私人如此

則疆禦培克之流必不得齒於縉紳玷於節鉞如此則各郡有賢  
守各路有賢監司必不侵漁以交結北司剝割以應奉內獻民心  
必無變守社必無危今朝廷知江閩虐取漁舟故吾人爲虜鄉導  
以至於此曾不知是數年間外之監司郡守求爲交結應奉而一  
切不卹以失吾民戴宋無二之心者所在有之江閩之事偶著爾  
今論者追訟江閩之罪死有餘責則夫使士大夫賢實焉爲聚斂  
重失人心激天下以各懷怨叛如臣所指之人者一死詎足道哉  
且夫奸人之入相也使非此人者與之相爲表裏以揜陛下之聰  
明密爲游揚以開陛下之信用則賢者必不以好名中傷言者必  
不以諱競逐去學校之持公論者必不以誼橫得禍士大夫之秉  
直節者必不以貪贓加罪朝廷清一言路光明邪人何自而赫張  
民瘼何自而壅隔人離而陛下何以不覺寇至而陛下何以不知  
乾坤正氣集

卷八十七

七

彼其依憑陛下恩寵以爲奸人奧主故顛倒宇宙濁亂世界而得  
以無忌憚使陛下今日訟過於天地負媿於祖宗結怨於人民受  
侮於夷狄則豈獨一奸人爲之哉原情定罪莫重於奧主而奸人  
次之莊周曰兵莫潛於志鏌鄒爲下言刺人而殺之不在於手而  
在於心不在於鋒而在所以用其鋒者奸人則鏌鄒也奧主則志  
也方今國勢危疑人心杌隉陛下爲中國王則當守中國爲百姓  
父母則當衛百姓且夫三江五湖之險尙無恙也六軍百將之雄  
非小弱也陛下臥薪以厲其勤斫案以奮其勇天意悔禍人心敵  
愾寇逆死且在旦夕或謂其人者舖張驚憂以沮陛下攘寇之志  
處分脆弱將誤陛下爲去邠之行居前日則曰我能爲君充府庫  
以盜其權居今日則獻其小心出其小有材使陛下意其緩急可  
恃以固其寵向非陛下參酌國論堅疑廟謨爲效死不去之計則

一日嘗試其說六師一動變生無方臣恐京畿爲血肉者今已不可勝計矣小人誤國之心可勝誅哉臣愚以爲今日之事急矣不斬董宋臣以謝宗廟神靈以解中外怨怒以明陛下悔悟之實則中書之政必有所撓而不得行賢者之車必有所忌而不敢至都人之異議何從而消敵人之心膽何從而破將士忠義之氣何自激昂軍民感泣之淚何自奮發禍難之來未有卒平之日也千金之家得一僮奴稍足以稱其私雖害于而家未忍亟去况其人給事之歲月已深乞憐之懇款已熟陛下性資仁厚亦豈忍遽甘心焉然宗社之事重左右之恩輕蠹民誤國之罪深承顏順色之愛儀伏惟陛下以宗廟社稷之故割去私愛勉從公議下臣此章付之有司暴其罪惡明正典刑傳首三軍以徇如此而天下不震動人心不喜悅將士不感泣而思奮虜軍不駭愕而謀還是人心乾坤正氣集

卷八十七

庚

天理可磨滅也是天經地義可澌盡也臣所不信臣嘗讀諸葛亮出師表輒惓惓哀憤悲其用心亮之言曰宮中府中俱爲一體陟罰臧否不宜異同若有作姦犯科及爲忠善者宜付有司論其刑賞以昭平明之治亮將獎率三軍北定中原攘除姦凶興復漢室其於官府之政宜若無與而獨區區以此爲先者良以社稷安危之權國家存亡之故不在於境外侵迫之寇而內之陰邪常執其機牙此亮之所以深權內外本末之理而先窒其禍亂之源也今臣上自朝廷下至州縣所以分畫其規模纖悉其經緯以上助尊夏攘夷之一畫者已略備矣而臣獻其狂愚於未猶有感於亮之所言區區劣功何敢引亮爲證願所以忠君愛國之心則亮之爲也臣非不知疎遠之人指陳無狀于犯天誅罪在不赦且使幸赦之不誅則左右之人仇疾臣言亦將不免然臣所以不顧危亡寧

以身犯不測之鋒者義命之際臣固擇之精矣方今社稷震動君父驚虞此所謂危急存亡之秋臣委質爲臣與國同休戚親見外患如火燎原而內寇又復植根固流波漫則禍難無涯臣死亡正自無日與休迫於權勢之威憂疑於一已之禍噤口結舌以坐待國家之難而後死孰若犯死一言感悟天聽如陛下以爲狂妄而誅之臣固已自分一死萬一陛下察臣之忠行臣之言以幸宗社則臣與國家同享其休榮等死之中又有生路此臣所以齎咨涕洟望闕懇悃而不能自己也臣冒瀆天威殞越震懼謹席藁私室以俟威命之下臣無任瞻天望聖激切屏營之至不備臣某昧死百拜上

癸亥上皇帝書

七月吉日具位臣文天祥謹昧死百拜獻書于皇帝陛下臣賦畝

乾坤正氣集

卷八十七

完

未學天賦樸忠遭逢聖明早塵親擢已未之夏陛下廷策多士記憶微臣俾佐京兆尹幕時臣不敢拜恩乞行進士門謝旨令赴闕其冬實來行禮適值寇難方殷江上勝負未決而全永衡且破于時京師之勢危如綴旒上下皇皇傳誦遷幸臣得之目擊忱恐六師以一朝而動京社之事關係不細采之公論則謂寇禍起於愴壬之聚斂而愴壬用事則主於董宋臣至於遷幸一事宋臣張皇處分尤駭觀聽事勢至此死且無日臣忠憤激發叩闕上疏乞以宋臣尸諸市曹以謝生靈荼毒之苦指陳觸忤自分誅斥出關待罪不報亟歸山林側聽聖裁臣章雖不付出施行而竟亦不坐臣以罪非惟免於罪而已改命洪幕從欲與祠又寵綏之臣嘗以爲區區父母之身旣委而徇國矣陛下赦而不誅臣之再有此身是陛下賜之也感激奮發常恨未有一日答天地之造前冬誤辱收

召昇以館職會未幾時進之以著庭寵之以郎省臣之取數於明時者益以過多洪惟聖德日新朝無闕事臣得從事鉛槧悉意科條以無忘靖共爾位之訓忱幸忱荷茲者倏讀報狀宋臣復授內省職事臣驚歎累日不遑寧處繼傳御批洵昇兼職且使之主管景獻太子府臣備員講授實維斯耶此人者乃爲之提綱當其覆出臣自揆以義且無面目以立朝況可與之聯事乎請命以去臣之分也然臣端居深念託故而去謂之潔身可也陛下未嘗拒言者言而當於可陛下未嘗不行臣不言而去則於事陛下之道爲有未盡是用不敢愛於言伏惟陛下鑒臣之衷而幸聽焉臣伏讀國史竊見孝宗皇帝所以待贊御者終始之際恩威甚明臣嘗以爲自古人主寬仁莫如孝宗英斷亦莫如孝宗方曾覲龍大淵輩用事周必大言之龔茂良言之劉度言之鄭鑑袁樞言之言者日

乾坤正氣集

卷八十七

三

以盛而孝宗假以恩寵未嘗爲之少衰孝宗豈拂諫者哉聖心寬仁未忍驟有所加也比其招權弄勢日益翕赫小心謹畏之態昵昵於前者迄不能掩其陰私傾險之迹或以見疎死或以坐罪廢英斷如此豈以寬仁而遂失之姑息哉開國承家小人勿用聖子神孫一守是法共惟皇帝陛下以聰明操制萬幾以神武經緯六合四十年間凡經幾大禍亂幾大驚危絃重新整頓功業逐日以新聲名隨風而流尙論聖德三代以下之英主未能或之先也神明之下侍御僕從罔匪正人旦夕承弼厥辟固其所也惟是宋臣兇鷲慘毒不可嚮邇陛下曩以其小有才而假借之小人不足大受倚恃權勢無所不至戊午己未間天下指目共欲甘心臣冒死先爲陛下言之陛下於此時猶有徘徊顧惜之意未卽加罪也而縉紳學校交疏其惡伏闕投匭殆無虛日陛下始豁然大悟奪其

大阿屏置畿郡中外鼓舞歌誦盛德臣妄謂陛下之寬仁全似孝宗陛下之英斷亦全似孝宗漢家自有制度固應如是詩云維其有之是以似之雖然陛下稟天地冲和之全氣接帝王忠厚之上傳寬仁英斷雖並行而不相悖二者分數寬仁較多是以如此人者遂得以生全於覆載之內尋醫之旨未幾朝請之命復下今者又使之內居要地日覲宸光惟至聖爲能寬裕有容有如此者然臣嘗聞之惟仁者能好人能惡人蓋仁則無私無私故能好能惡聖人豈專以博愛爲仁哉漢唐宦官之禍其後至於濫觴而不可救推原其初則起於時君一念之不忍是故古人之防微杜漸不敢忽也語曰往者不可諫來者猶可追宋臣前此誤國之罪陛下旣赦之而勿問矣臣何敢追尤往事上瀆聖聰獨爲方來計則縶縶之憂不能忘情焉夫以陛下聖明在上孤雛腐鼠亦何敢晝舞

乾坤正氣集

卷八十七

三

夜號少作喘息其人心性殘忍羣不肖所宗竊恐復用之後勢倏肆張植根旣深傳種益廣末流之禍莫知所届近者陛下親製十四規丕哉聖謨爲萬世計甚悉有如此事獨可以爲小故無與於貽謀而涸畧之哉宋臣之爲人臣實疎遠亦安能以盡知之惟是天下之惡名萃諸其身京國間巷無小無大輒以董閻羅呼之陛下之左右使令亦衆矣此名不歸之他人而惟此一人是歸則豈不召而自至也哉陛下每以其退然謹愿而謂其未必怙威生事也毋以其甘言卑詞而謂人言爲已甚也千金之家強奴悍僕恣橫閭里至其服役於主人之前固亦未嘗不小廉曲謹而可信也此事雖小可以喻大陸下儻察及此則亦何愛於此一人而闕惜英斷以重違天下之心哉伏望陛下稍抑聖情俯從公議縱未忍論其平生之惡以寘之罪亦宜收回成命別選純謹者而改畀之

夫一兵得一兵於國家事夫亦何損于以屢人心之公于以示來世之法于以防天下之禍於未然令聞令望施于無疆臣子之願莫大於此臣實何人輒上封章以仰及於萬乘之所親信此蚍蜉撼木自速螻粉可謂愚甚然臣方備位中朝使其以厚祿餬口坐取遷擢豈不得計而臣子所以事君正義謂何世道升降之大機國家利害之大故柰何坐而視之噤不發一語上負天子下負所學貽無窮羞此臣所以不敢強顏以畱亦不敢詭辭以去忘其嬰鱗不測之危以冀陛下萬一聽而信之臣言得行宗社之利也臣之榮也如臣之積忱未足以仰動天聽坐受斧鉞九隕無悔謹杜門席藁以聽威命之下臣無任望闕瞻天激切屏營之至不備臣昧死百拜

輪對劄子

乾坤正氣集

卷八十七

三

臣早以書生遭遇先皇帝親擢事先皇帝垂十年恨無涓埃補報天地陛下龍飛繼運移忠以事聖明永肩乃心臨鑒在上比者臣來自外藩待罪戎監陛下親御宸墨進之經筵臣學殖凋蕪循牆無路自入侍墮屢切見天顏晬穆聖性謙虛雖如草茅之愚時賜訪問臣感激殊遇亦旣得以悉數於前矣猥當轉對伏念臣職在講讀今日聖學關天下治忽不細輒因封事舉吐其衷臣聞聖人之作經也本以該天下無窮之理而常足以擬天下無窮之變天地無倪陰陽無始人情無極世故無涯千萬世之後聖人亦安能預窺逆觀事事而計之物物而察之然後世興衰治亂之故往往皆六經之所已有凡六經垂監戒以爲不可者小犯之則關安危大犯之則決存亡如赴水火之必斃如食葶葛之必毒是何哉聖人知有理而已合於理者昌違於理者僵所貴乎帝王之學惟能

不悖乎六經無蹈乎其大戒而已嗚呼聖人所以爲萬世慮者豈不甚智所以爲萬世戒者豈不甚仁矣哉書曰民可近不可下予視天下愚夫愚婦一能勝予而後世猶有以民爲黔首以覆其宗爲天下笑者書曰內作色荒外作禽荒詩曰亂匪降自天生自婦人而後世猶有昭陽華清霓裳羽衣以階漁陽之禍者書曰謹乃儉德惟懷永圖又曰不作無益害有益不貴異物賤用物而後世猶有葡萄天馬甲帳翠被以致四海蕭然者臣嘗歎夫自聖經以來時君不聞大道之要生人不被至治之澤秦至五季千數百年間犯六經之顯戒者相望史冊聖人立爲大經大法以垂萬世藐然未有聞焉豈不惜哉惟皇上帝畀錫斯文孔孟微言至我朝周程張朱始大闡明如矇斯發先皇帝表章四書尊禮儒先爲往聖繼絕學爲萬世開太平穆考之廟稱爲理宗陛下親得精一之傳

乾坤正氣集

卷八十七

三

而日就月將緝熙于光明斯道斯民丕后千載先皇帝欲爲唐虞三代之治殆畱與陛下使了此事臣覩陛下自踐祚以來畏天尊祖親親仁民敬大臣體羣臣尊其所間行其所知何往非學今朝廷清明宮府齊一大法小廉罔越厥志不可謂不治矣然臣切忤去年寒燠失常四方或以旱告今年星文示變兩雹見妖近者積陰爲寒皆名咎證漢人縱閉之學必謂一證主事臣不能曉此但卽其影而想其形因其流而疑其源豈人所不知己所獨知之地陛下猶有當反之六經者乎陛下日御經筵正道正言嘗接于耳而又內庭不廢觀書傳日多誠前言往行以畜其德陛下蓋有之矣臣愚更願陛下虛心體認切已省察每誦一義善可以爲法卽驗之身日吾嘗有是乎無則勉之每說一事惡可以爲監卽揣之心日吾嘗有是乎有則改之言則慮其所終行則稽其所做豈惟

制治于未亂保邦于未危充道學之用經綸天下之大經範圍天地之化而不過行而帝行而王以卒先帝主張道統之事業臣何幸身親見之哉書曰兢兢業業一日二日萬幾夫一日二日之間亦未至卽有萬事然一事不謹則萬事之幾自此而兆故撥亂本塞禍源無一息不當用功兢兢業業所謂必有事焉者也惟陛下留神

擬進御筆爲馬丞相趙僉書上奏留平章

書曰三人占則從二人之言蓋占取其同自二人之同推之卿士庶民無往不同者師相欲去二府以爲不可去是千萬人皆以爲不可去矣朕自師相有請寢食不爲安朕必不能違衆心師相亦必不忍違朕心嗚呼尙監時忱永綏在位師相其聽之哉所請宜不允

乾坤正氣集卷八十七

二五

又擬

周公相成王終身未嘗歸國孟子當齊世不合故致爲臣蓋常情以去就爲輕惟大臣以安危爲重苟利諸國皇恤其身若時元勳爲我師相先帝付託大義所存太母畱行前言可覆胡爲以疾而欲告休惟醫藥所以輔精神惟安身所以保國家古者之賜几杖雖當七十而不得引年我朝之重辯章雖過九旬而尙使爲政勉釐重務勿困眇懷所請宜不允

擬冊立皇太子文

皇帝若曰朕弗克于德嗣先人宅丕后三十有七年夙興夜寐怵惕惟厲屬懼無以追配于前猷自辰不類迺季秋將有事明堂思惟皇天全付于有家繼繼承承於千萬年祖宗在天眷相惟茲蔽自朕志貽厥孫謀于一人有辭郊廟神祇祖考將安樂之皇帝曰孰

具官皇子某爾忠孝豈弟少如夙成朕用疏爾王封衍爾賦畝欽  
迺服命克懋厥德惟爾休昭事有嚴俾爾圭鬯薄海內外罔不咸  
一其冊爲皇太子改名某嗚呼厥惟我前人造天丕基創守惟艱  
哉天難諶命靡常民罔常懷懷于有仁戒之哉爾惟親正人學于  
古訓罔遊于盤罔淫于逸罔以非道孫志罔以古之人無聞知尊  
德崇道由仁義行乃若時守宗廟社稷以爲祭主天地神人無疆  
惟休朕不失爲知子爾亦有令名於戲欽哉

乾坤正氣集

卷八十七

三

文山先生全集卷二

宋文天祥著

涇縣潘錫恩校

門謝表

臣某言伏準省劄五月二十八日三省同奉聖旨文天祥添差簽書寧海軍節度判官廳公事仍釐務臣以賜第之初未經門謝未敢祇拜劄命申乞指揮續準省札七月十一日三省同奉聖旨令朝謝訖之任臣謹遵奉指揮詣闕庭朝謝者御大廷而發策式廣旁招奉清問以摠忠誤承親擢尙阻紫宸之謝遽叨黃紙之除曠世遭逢瞻天感激臣切以賓興下詔同天地宗祀之彙科舉取人代造化爵賢之柄豈曰利人才之進取其間實天道之流行肆萬乘之臨軒受諸侯之貢士占小善者率以錄咸造在廷取一人焉拔其尤必有名世豈應庸瑣可在蒐羅臣稟質旣凡聞道猶淺才乾坤正氣集卷八十八

卷八十八

一

非洛陽之年少偶玷薦書學非廣川之大儒遽塵舉首自叨異數亦旣三年回思臚唱之蒙恩莫與鳧趨而奉表有懷就日無路賤天方徬徨於邱園乃寵綏其祿秩輒請展爲臣之禮幸許修詣闕之恭茲蓋伏遇皇帝陛下德體乾行道符常久世更三紀遠追成周式化之風歲啓後庚近接藝祖開基之運凡際風雲之會咸依日月之光遂令一介之姓名亦被九重之記錄臣敢不誓堅素守勉企前修自揆讀書非爲平生温飽之計願言竭節用副上心忠孝之期臣無任瞻天望聖激切屏營之至謹奉表陳謝以聞

湖南提刑到任謝皇帝表

帝庭敷命昭闢四門天收播刑誤頒一節申以過驅之旨疇茲已試之庸周隰載馳漢條具布伏念臣本無他技惟有孤忠兩朝特達之知游塵清要十載行藏之跡祇自悔尤雲雷之義方屯天地

之心已復常元日達聰之始在皇華遣使之中聖恩靡許於祝釐  
臣職敢稽於行道瞻蓋高而下耳冀用譽於折肱茲蓋恭遇皇帝  
陛下道協重華仁周四表崇德廣業合乾轉坤翕之功折獄致刑  
得震動離明之用遂令承乏復忝司平臣敢不祇若咨詢對揚欽  
恤陳時臬事尙宏康乂之圖受王嘉師永迪明清之訓

謝皇太后表

司平楚甸命出嚴宸告至周原恩歸慈極敢敷睿訓仰謝徽音伏  
念臣一介寒微兩朝知遇傾葵向闕初無補於使令啜菽杜門祇  
自深於觀省當元日會同之始拜公朝披拭之仁言遣使臣往陳  
臬事華省邁頒於趣旨叢祠竟秘於俞音勉臣子之驅馳見吏民  
而宣布茲蓋恭遇壽和聖福皇太后陛下心超有極道合無疆長  
信怡愉贊炎圖之昌運太任肅穆開蒼籙之隆平宜擇攸司俾敬  
乾坤正氣集 卷八十八 二  
爾獄臣敢不丕承欽恤誕布慈仁乂我黎民尙想無刑之治于其  
王母敢忘介福之元

謝皇后牋

君子審官道隆儷極皇華遣使命出治朝德意具宣忱辭告至伏  
念臣疎庸一介遭遇兩朝早綴班行嘗忝金科之屬繼乘使傳復  
塵繡指之行曲成每戴於釐明退食難逃於吏議不圖元會復錫  
恩言披拭起家往陳時臬驅馳在道寅奉天威蒞止攸司欽哉乃  
職茲蓋伏遇皇后殿下德侔坤地位正家人關睢之化旣行用之  
天下象魏之法使布正自王宮爰取踐更載叨詳讞臣敢不靈承  
欽恤祇若平反無刑以乂黎民誕敷聖化式敬以長王國永詠  
音

皇太子生日賀皇帝表

大夏長嬴坤二爻之紀季千秋似續震一索之揆初瑞彩綠車歡  
顏丹宸恭惟皇帝陛下德流芑水業茂蘿圖壽富多男積善必有  
餘慶本支百世命吉在厥初生記甲觀之瑞分占乙禱之祚遠臣  
縻身軫墊戴目心星誦億子之宜君首歌周雅祝萬年之爲父更  
續唐詩

賀皇太后表

福于王母際南面之昌期天以神孫娛東朝之永日晝堂瑞節長  
樂歡聲恭惟壽和聖福皇太后性蘊冲和仁培靜壽思齊所以聖  
也以御于邦螽斯宜爾孫分克開厥後皇皇穆穆繼繼承承臣迹  
滯騏原心馳鳳闕本支百世播絲賡之聲詩怡愉萬年衍含飴之  
福慶

賀皇后牋

乾坤正氣集卷八十八

三

坤后廣生式協二爻之月震男揆度載逢一索之期慶衍蘿圖喜  
充椒掖恭惟皇后殿下道柔配地德厚承天以御于家爲今京室  
之婦則樂有子如古周南之風百世本支萬年福祿臣迹縻牡繼  
心賀燕謀占斯干之詩已符吉夢美思齊之德益嗣徽音

皇子進封左衛上將軍嘉國公賀皇帝表

乾父垂仁茂積蘿圖之慶震男鍾美肇基茅土之邦百世可知四  
方來賀洪惟昭代爰立親親粵有舊章禮優貴貴助祥符之七載  
侈慶國之初封綺仗分班瓊珪疏寵庸表人倫之厚適觀王室之  
彊式于今休監于成憲恭惟皇帝陛下福培周厚和緝堯雍寶歷  
無疆方萬年而受祐金枝有燁期億子以宜君錫以嘉名渙其大  
號地營東井詔爵五之最穹天拱北辰炳心三之相照克昌厥後  
長發其祥臣有蹇牡駢阻隨虎拜祉歌子施遙陳皇矣之詩道盡

君嚴願贊家人之易

賀皇太后表

東朝保艾方隆堯母之仁西國分茅式篤文孫之慶兩宮喜色萬  
宇歡聲恭惟壽和聖福皇太后陛下德厚慈元神怡長樂尊之至  
也上承視膳之勤宜爾繩分下適含飴之趣瑤池日永玉葉春濃  
臣遠被繡衣踰瞻綵仗于其王母知介壽之來崇佑我後人願丕  
圖之有衍

賀皇后表

坤稱乎母儼象服於椒塗震索而男赫龍光於茅土長秋喜色方  
夏歡聲恭惟皇后殿下含宏承天博厚配地祥鍾長發熾商后於  
有娥音繼思齊培文昭於太姒圭璫焜煌於綺仗芾朱輝映於禕  
衣臣遠驟華原踰瞻藻殿想宜君之穆穆茂對王休侈多子之繩  
乾坤正氣集  
卷八十八  
四

繩載歸后美

皇女進封同壽公主賀皇帝表

乾見大人道夙隆於乾體與爲長女命爰寵於英申喜溢宮庭歡  
騰海宇竊惟興君之際必有積善之餘播在正風則曰王姬之美  
陳于小雅是爲女子之祥無非歌福祿之同予以表國家之盛恭  
惟皇帝陛下和順而理溫柔以容苞體深仁旣茂縣瓜之賤岡陵  
厚積復培穠李之華始封爰遷於嘉名遐祉永齊於聖壽臣跡縻  
使事身隔賀班親愛如家遙贊人倫之厚肅雍迪教遍觀王道之  
成

賀皇太后表

周家福祿積由任姒之仁堯母聖神親覩娥英之慶宮闈盛典海  
宇歡聲恭惟壽和聖福皇太后陛下南極景光東朝恭貴有功寶

祥既開聖子之傳流澤銀潢爰毓天孫之瑞贊初封於沁水同上  
壽於瑤池臣遠玷皇華踰瞻長樂怡愉太后諒承婉婉之娛雍肅  
王姬益表儉慈之教

賀皇后賤

坤萬物之資生實蕃慶積吳一索之謂長昉對命申喜氣宮闈歡  
聲海宇恭惟皇后殿下關雎孝敬芣苢和平灼灼宜家夙範華桃  
之懿雍雍成德茂鍾穠李之英賁然錫沁水之封展也同長秋之  
壽臣遠縻苞杞遙睇塗椒風以周南仰化原之洵美觀于堯女願  
母道之浚明

知贛州到任謝皇帝表

九重選敕錫類天寬千里承流奉親地近昉其候度丕戴王休伏  
念臣某才本空疎分安孤苦身逢盛代夙自厲於丹心家有重親  
乾坤正氣集

卷八十八

五

晚相依於白髮頃叨漢傳往卽楚封何敬非刑粗礪審克不遑將  
母私切懷歸嘗懇懇以陳情冀高高之欲從遙蒙異渥特畀近塵  
繼盼旨以趣征已鞠躬而祇上祿及一門之微賤恩同大造之生  
成茲蓋伏遇皇帝陛下以堯舜之資行曾閔之道嗣寧王之大歷  
志我成功奉太后之萬年與天齊壽遂使忝求芻之寄亦獲共啜  
菽之歡臣敢不老老及人親親爲政由家達國期興遜以興仁以  
子移臣寓爲忠於爲孝

謝皇太后表

東朝鴻慶介壽無疆南國虎符便親有命荷中宸之渙寵望慈極  
以賑忱伏念臣一介迂疎兩朝遭遇昔備殫於敷歷無以逾人頃  
間任於驅馳不遑將母惟內懷於烏哺遂上徹於蟻忱果分二水  
之麾爰易三湘之節惟壤地接故可以供菽水之職惟土風習故

可以盡芻牧之心自省叨諭若爲報稱茲蓋恭遇壽和聖福皇太后陛下德光堯母功配周姜壽壽萬年享怡愉之福化流四海推慈孝之仁遂令下吏之僥榮獲以適封而就養臣敢不祇承德意謹祈恩言服膺錫類之詩益崇美化拜手牧民之訓諭贊德音

### 謝皇后牋

慈極承天恩深錫類廉車易地職重分符布聖德之中和便親聞之溫清伏念臣起繇孤遠積有迂疎骯髒半生於事君而何補馳近歲以將母而未能屬爲養以陳情荷畀矜而從欲三湘納節二水授麾回刺史之車庶乎爲子捧郡守之檄專以爲親僥冒實多糜捐曷稱茲蓋恭遇皇后殿下道隆坤厚德配乾仁大雅思齊媚周姜而穆穆長秋備禮奉漢母以愉愉遂令疎遠之微臣亦效旨甘於便壘臣敢不恪恭侯度茂對王休崇關雎卷耳之風迪惟乾坤正氣集卷八十八

六

懿則篤南陔白華之行施及遐萌

### 壽崇節本州賀皇帝表

天子有親備四海九州之奉封人祝聖同萬年億載之期凡屬照臨舉同呼舞恭惟皇帝陛下剛健中正緝熙光明燭六合而耀八紘功參天地躋三皇而軼五帝道御家邦紹巍巍蕩蕩之勳盡尊尊親親之養怡愉誕節光大前聞臣獲布寬條幸逢盛際鵷鷺阻綴莫旅賀於東朝螻蟻傾忱惟仰瞻於南極

### 賀皇太后表

於萬斯年慈宸有慶誕彌厥月祖佛同生旒冕敬共縉紳舞蹈恭惟壽和聖福皇太后陛下道超太始德厚重坤闕睢周南之風夙陶美化思齊文王之母懋著徽音矜衣初奏於葦絃宮珮畢朝於慈展親下袞龍之拜載揚韶鳳之音呼萬歲者三歡騰朝野等百

世而上福衍子孫臣叨守魚符莫陪駕序我百而爾九十諒喜溢於舉觴心一而臣三千第神馳於拱極

賀皇后牋

太妣之嗣太任星重慈極長秋之朝長樂天介壽祺流慶九霄比隆千古恭惟皇后殿下明章德範陶冶風大練厚繪訓四方之節儉宵衣旰食脩五位之勤勞肖似徽音婉愉誕序厚符坤地吉萃家人臣逃守遐邦忻逢華旦仰瞻帝闕莫陪振鷺之班下與邦民同被闕雝之化

壽崇節兵馬鈐轄司賀皇帝表

天子盡敬事親丕昭瑞節臣下歸美報上同祝修齡覆載兩朝頌歌四洽恭惟皇帝陛下克勤克儉無怠無荒堯以是傳道莫高於虞舜文所以聖德益顯於太任有開麗水之祥適際瑤池之會臣乾坤正氣集卷八十八  
七  
屬縻戎鏡阻綴班聯北面而朝恍天威之尺五南山之壽效臣子之呼三

賀皇太后表

金闕日長尊處宸闈之極玉卮春滿誕膺法駕之朝凡在式圍率均擊壤恭惟壽和聖福皇太后陛下心遊恬淡德著慈仁隆周召之風人倫既正養黃老之性母道獨尊皇穹申方至之休壽命衍無疆之算臣猥分郡組共貳戎韜迹遠觚稜帷幄踰瞻於長樂忱同葵藿笙歌第想於承華

賀皇后牋

坐於少廣慶慈極之誕彌朝于寢門助聖人之敦愛官庭溢喜宇宙同和恭惟皇后殿下瑞應倪天光昭邈日正始基化歌二南芣苢之詩視膳問安備六寢禕褕之禮協朱明之律呂鏘綵仗之珮

環驪奉玉卮禮同黼展臣濫紆州紱通領兵符聆舜樂之九成遙  
瞻南面效堯階之三祝竊比華封

乾會節本州賀皇帝表

一人天拱適符龍御之亨萬國雲從共慶虹流之瑞系隆宗社福  
被寰瀛恭惟皇帝陛下曰睿曰聰乃文乃武金甌有永紹寧人大  
寶之休翠躡早朝娛太后萬年之壽當嵩呼之華旦繼夢月之佳  
辰兩宮同時千載盛事臣猥叨分竹爾切傾葵奉玉卮之恭阻綴  
班於北闕通銀臺之奏但申頌於西崑

賀皇太后表

六龍御極增光長發之詩萬國同心推本思齊之聖驪騰官壺和  
塞堪輿恭惟壽和聖福皇太后陛下曰希曰夷爰清爰靜以天下  
養備百祿之熾昌與元氣游葆六根之純粹海內樂唐虞之化宮  
乾坤正氣集卷八十八  
中頌任姒之音臣叨預承流遙伸歸美冬溫夏清禮嚴東面之朝  
日升月常福等南山之祝

賀皇后牋

黼展端臨交上華封之祝椒塗內助仰承京室之規喜溢六宮和  
薰八表恭惟皇后殿下靜專成性徽懿秉姿珥簪進庭燎之箴雞  
鳴有度弓韉奉高禩之祀燕翼發祥際上帝生商之辰懋塗山與  
夏之德仰占七政日月並明俯鑒四方岡陵齊壽臣分符江右化  
被周南首贊乾亨體天行之不息更祈坤載協地道之無疆

乾會節鈐司賀皇帝表

龍首庶物親天德之照臨虎拜萬年對玉休而蹈厲堪輿協氣海  
宇頌聲恭惟皇帝陛下神聖整齊武文經緯諸福畢至一登再登  
三登我武維揚五伐六伐七伐虹渚載歸於盛且鳳音遙想於明

庭臣通領鈴符恪共官次葵傾觀闕阻陪就日之班花覆簪紳喻  
謝需雲之宴

賀皇太后表

天下傳歸於子隆寶冊之鴻名聖人教愛以親上玉卮之曼壽非  
常之慶喜頌攸同恭惟壽和聖福皇太后陛下冲澹頤神儉茲孚  
化輔佐先帝夙殫卷耳之勤愉佚東朝允著恩齊之聖昉前殿紀  
誕彌之旦正羣方傾就望之忱肆膺鳳輦之朝親下龍綃之拜臣  
屬縻戎鍵阻綴班行現五色之雲知獻占於太史舞兩階之羽諒  
增喜於慈顏

賀皇后牋

上萬歲之壽咸頌聖人形四方之風實基王化凡居持載罔不驩  
呼恭惟皇后殿下生稟靜柔安行雍肅躬河洲采苻之潔列聖顧  
乾坤正氣集  
卷八十八  
九  
歆翼寢門視膳之恭慈顏和懌合坤其順遡日而明欣聆嵩嶽之  
呼並受華封之祝臣俯其武服仰贊壽觴星之遠天之高陞莫瞻  
於九級漢之廣江之永詩但誦於二南

皇子賜名本州賀皇帝表

家有嚴君托中興之昌歷天以聖子作大國之宗藩喜溢宮闈慶  
闕宗社恭惟皇帝陛下懋昭聖德厚正人倫保天命以宜君四方  
無侮貽孫謀而翼子百世可知爰錫嘉名載敬大號敬哉有土肇  
基二水之邦格于皇天式應三星之耀俾耆而艾長發其祥臣縻  
跡侯方傾心魏闕監王成憲願垂謨烈之休啟我後人益壯本支  
之盛

賀皇太后表

東朝介福式彰母道之尊南國分封庸迪孫謀之吉兩宮交慶百

世彌昌恭惟壽和聖福皇太后陛下長樂怡愉大庭游衍養以天下日永瑤池正于家人春生玉葉贊苴茅於浯水壯繇踈於宗藩臣逃在侯方阻瞻宸仗思齊所以聖遙頌徽音皇矣莫若周益隆世德

賀皇后牋

母資坤德之生椒塗襲慶男正家人之吉茅土分封宗社延洪宮闈闡懌恭惟皇后殿下承天光大法地靜專成美化於周南言能逮下嗣徽音於京室予以御家屬聖子之勝衣贊嚴君之錫爵臣遠縻外服阻造內班正風俗以厚倫永歌后德輔皇王之維辟丕猷孫謀

皇子賜名鈴司賀皇帝表

天佑我家篤生聖嗣國有鉅典肇建宗藩社稷靈長神人孚洽恭乾坤正氣集

卷八十八

十

惟皇帝陛下禮行貴貴愛立親親撫寶歷之昌期萬年福祿演銀潢之慶澤百世本支爰重燕謀載頒鴻號于疆于理地營浯水之邦有翼有馮星拱周廬之衛克開厥後傳熾而昌臣遠繫戎韜愉瞻文石施于帝祉德已動於監觀保我後生命更歌於壽考

賀皇太后表

堯母怡愉介于景福湯孫岐嶷錫以嘉名慶衍宗祚歡隆慈極恭惟壽和聖福皇太后陛下爰清爰靜曰希曰夷佐先帝之中典雞鳴有度膺嗣王之孝養燕翼成謀爰鍾受於綠車乃分符於赤社臣恪恭武服阻造王庭以御于家喻贊思齊之德克開厥後佇成皇武之功

賀皇后牋

坤稱乎母作德配天震索而男建邦有土慶成宗社喜溢宮庭恭

惟皇后殿下茅宮和平闕雖孝敬嗣母徽於京室在廟在宮明子道於家人正內正外歡動勝衣之拜光昭燾社之封臣共武有嚴稱班云泚風以周南之化諭贊螽斯烝哉豐水之謀適觀燕翼

皇帝登寶位本州賀皇帝表

天作之君表冠倫之大聖父傳於子昭立嫡之至公歷數維新神人胥慶恭惟皇帝陛下以周元子爲舜重華大德生知聰明以臨齊莊以敬一人有慶進退可度容止可觀積累厚而孫謀深謳歌同而神器定無爲而治有道之長臣叨領虎符諭瞻龍御建皇極而王天下幸際昌期開明堂而朝羣臣聳觀初政

賀太皇太后表

肇聖德之龍飛運開昌歷垂孫謀之燕翼功出慈宸九廟尊安八紘拊蹈恭惟壽和聖福太皇太后陛下道光任姒行邁塗莘範肅乾坤正氣集

卷八十八

十一

東朝性適含飴之樂規重南面養親視膳之榮光昭嫡統之傳不衍皇家之慶臣叨紆守紱阻筮賀班頌皇帝之萬年永言齊壽佑寧人之大歷尙克圖功

賀皇太后表

震出麗天重明繼序坤稱正位一統蒙倬基祚斯皇幅員胥慶恭惟皇太后陛下輔佐先帝憂勤王家思媚周姜履肅雍於京室訓貽禹子服勤勞於塗山瑞昭南面之符光疊東朝之矩臣屬縻侯服諭企慈帷嫡統無疆已慶大橫之兆嗣徽有秩尙稽小愆之謀

皇帝登寶位鈐司賀皇帝表

乘時御極宣日月之重光居嫡宅尊大春秋之一統幅員愛戴宗社安強恭惟皇帝陛下仁孝生知聰明時又踐寧王之丕祚大歷維新奉文母之徽音皇天有慶宜首正飛龍之御以上承翼燕之

貽無疆維休有相之道臣濫巾戎轄阻筵朝班五百歲而生幸親見聖萬億年其永不替惟王

賀太皇太后表

兆協大橫運在當今之聖謀貽小恙功歸太上之慈嫡統延洪皇圖鞏固恭惟壽和聖福太皇太后陛下躬基美化教闡徽音彤管光華配豐功於祖烈練衣朴素示懿訓於孫謀聿新歷服之傳式副簾帷之託臣司戎共貳望闕呼三庶民近天子光忻逢昌歷太極爲元氣母永迪初基

賀皇太后表

震主宅尊光紹寧王之命坤元居正適彰太妣之音一統親傳萬邦胥慶恭惟皇太后陛下功侔持載德備含宏風化二南衍傳家之忠厚本支百世肇繼序之聖明大春秋正嫡之書應日月重光

乾坤正氣集

卷八十八

十一

之運臣屬兼鈐紱阻造軒帷在天利見大人已孚文命介福于其王母長詠思齊

謝皇帝登極赦文表

日月重離開國家之休運雷雨作解溥天地之至仁萬邦咸休一人有慶恭惟皇帝陛下堯文光宅舜德出寧神聖爲君丕受皇天之命春秋立嫡聿昭正統之宗爰肆眚於端門示湛恩於熙代臣猥分銅虎踰企金雞大人繼照四方聳觀初政皇極敷錫五福第奉寬書

太皇太后加尊號本州賀皇帝表

御丕圖於南面順應天人崇徽冊於東朝重增宗社億年壽典萬國懽心恭惟皇帝陛下皇極之宗人倫之至性同符於堯舜達孝升聞訓一本於姜任徽音有秩紹寧王之明命彰祖后之尊稱臣

分收有嚴承休胥拊介福于王母難名太上之功肖德以神孫願共無疆之號

賀太皇太后表

鴻名揚厲用彰重慶之尊龍辰繼承懋舉盡倫之制明廷孚號寰宇傾心恭惟壽和聖福太皇太后陛下德備儉慈教修愛敬佐我烈祖成天保之憂勤訓于神孫示思齊之雍肅粹美翟禕之服增華琬琰之章臣屬守銅符欣傳寶冊同御延和之殿誕頌前猷尊居慈福之宮永言至養

賀皇太后表

統繼堯天重華協德位隆文母太姒嗣音寰宇休明內庭肅穆恭惟皇太后陛下行高配地功大補天輔先帝以重光憂勤夙至肇嗣王之丕緒福祿方來奉寶冊於重闈壽皇圖於覆載臣屬縻郡乾坤正氣集卷八十八  
紱阻筮延紳咸曰太皇已慶元和之壽願言帝母永肩長樂之名

三

太皇太后加尊號鈐司賀皇帝表

臯圖嗣慶著母道於重坤鉅冊稱尊告王庭而大渙宮闈增重宗社蒙休恭惟皇帝陛下德爲聖人孝治天下侍宣仁之聽斷元祐同符稟慈福之起居紹熙儷美播無爲之懿號隆太上之徽音臣猥介戎鈐聳觀國典思齊文母旣彰有德之雍雍於赫湯孫願共厥聲之穆穆

賀太皇太后表

離日方升光傳國寶坤元重慶肇建鴻名福萃三宮歡騰八表恭惟壽和聖福太皇太后陛下佐佑皇祖怡愉東朝德配姜任植丕基於蒼籙功高馬鄧扶洪業於炎圖宜效美於思齊大歸尊於長樂臣偶叨戎轄阻綴朝班不戢烈丕戢謨其猷嗣王之政得其名

得其壽載揚太上之休

賀皇太后表

晉大號於慈闈位隆長樂紹丕基於萬世慶本慈元命肅治朝禮行廣內恭惟皇太后陛下頤神冲澹履行靜專美紹思齊宜毓文王之聖訓垂訪落實開成后之謀贊重慶於御籛推有尊於臨制臣猥分戎輅踰聽恩綸望少廣之宸居莫班獸舞頌長秋之壽歷同播鴻名

皇太后加尊號本州賀皇帝表

嗣王受此丕基光膺明命文母介以繁祉祇奉嘉名典冊流輝幅員有慶恭惟皇帝陛下一人出震五位乘乾玉質金相嗣延洪之大歷寶禕羽翟奉雍肅之徽音光進瑤編重增鼎祚臣叨分虎壘隄望龍墀保佑恩深已際大明之運怡愉樂永更揚齊壽之休

乾坤正氣集

卷八十八

十四

賀皇太后表

毓正神孫方布應門之詔位尊祖后復隆京室之稱重慶萬年丕休四海恭惟壽和聖福太皇太后陛下性超太上德應黃中元祐大功法宣仁之鞠育紹熙新政燕慈福之起居宜旌坤極之嘉名式趾太宸之芳躅臣屬分侯服欽誦王綸天子必有所尊已光載籍聖德無加於孝長戴兩宮

賀皇太后表

坤稱正位訓迪嗣王渙號揚庭尊歸文母簾帷介福社稷垂榮恭惟皇太后陛下德著憂勤躬行慈儉虞嬪觀于瀉泃密贊聖謨后稷生於姜嫄美鍾神胄晉長信尊尊之號嗣思齊秩秩之音臣忝守藩維阻趨軒陛得其名得其壽幸同萬國之歡宜爾子宜爾孫永頌兩宮之慶

皇太后加尊號鈐司賀皇帝表

重明以繼大人瑤圖垂慶介福而于王母玉冊有光瑞溢簾帷重  
關宗佑恭惟皇帝陛下敬仁成性歷數在躬惟后綏猷蹈堯舜之  
孝弟因親教愛奉任妣之肅雍宜申慈極之尊式表聖倫之至臣  
叨兼兵轄諭企陞簾贊長信之徽稱已光漢制頌塗山之丕訓益  
大禹功

賀太皇太后表

嗣皇奉冊尊居長信之名祖后宣猷夙迪思齊之訓萬年集慶八  
表蒙休恭惟壽和聖福太皇太后陛下德邁維莘道高于納金車  
玉路備三世之典章寶翟珍禕示六宮之法度美慈宸之疊矩揚  
大號以同符臣兼領戎鈐竦聆郵綍德壽早朝之典已慶淳熙延  
和同御之功益歌元祐

乾坤正氣集

卷八十八

五

賀皇太后表

文母克昌厥後光紹皇圖大德必得其名慶隆寶冊四方來賀百  
志惟熙恭惟皇太后陛下陰教齊家慈元正位推爲美化邁周召  
之二南著在徽音紹姜任之大雅宜膺渙號增重坤稱臣適貳韜  
鈴聳聆綸綍踐其位行其禮莫重尊親求厥寧觀厥成邁追來孝  
大行皇帝升遐本州慰皇帝表

堯父宅尊春秋鼎盛祀天告墜遠邇震驚降割非常銜哀罔極恭  
以大行皇帝神聖文武濬哲溫恭萬千歲怡愉恪盡東朝之養十  
一年寅畏遙祇上帝之威期壽考之惟休俄憂勤而積疚詎圖大  
漸驟至遐征望欲斷於遺弓命忍傳於憑几恭惟皇帝陛下有仁  
有孝盡制盡倫克念先猷根聖人之至性誕承慈訓服天下之通  
喪願少抑於孝思以永綏於神器臣屬縻守紱哀捧告書莫伸奔

問之恭徒切攀號之痛

慰太皇太后表

鷄鳴問寢方茲極之深居龍去遺弓忽皇輿之新陟宮闈震悼海宇摧傷恭惟壽和聖福太皇太后陛下德備周姜道光堯母東朝垂訓曾不改於儉慈南面積憂遽忍違於溫清驟罹國疚諒切聖懷少寬憑几之思式副御簾之託

慰皇太后表

皇靈新陟變撫遺弓儷極永懷悲興搢珎六宮哀痛九宇摧傷恭惟皇太后陛下坤道宅中家人位正脫簪而諫期共濟於中興綴衣于庭忍遽聞于末命雖委裘之悲至切而定鼎之託方新願制靈傷永綬敷遺

云云

大行皇帝升遐鈐司慰皇帝表

乾坤正氣集

卷八十八

十六

王宜日中方慶垂衣之治父有天下遽傳憑几之言宗社憫凶幅員哀痛共以大行皇帝王道正直帝德簡寬奉長樂之清溫丕昭仁孝聽邇英之勸誦遙紹文明方嗣服於萬年胡委裘於一旦烏號罔極龍御何追共惟皇帝陛下聖德升聞孝思永慕重華協帝方遏密於八音冢宰總官將諒陰於三祀願少紓於聖抱以宏濟於皇圖臣逃領戎昭哀傳國疚阻伸奔問惟重摧傷

云云

慰太皇太后表

嚴宸居正痛晏駕之奄聞慈極宅尊悵早朝之遽隔哀傳海宇悲結簾帷共惟壽和聖福太皇太后陛下德厚承天恩深與子夙行恭儉聖方頌於思齊晚享怡愉變忍聞於顧命諒聖情之結戀臨輿興志之攀號願抑慈懷永謀孫翼

慰皇太后表

變興梧野九土烏號悲結椒塗六宮縞哭宅憂罔極降割何深臣  
共惟皇太后陛下志紹徽音躬行美化冬溫夏清佐孝養於東朝  
海潤星暉演慶源於中壺驟撫鼎湖之戚奚堪輿極之哀願抑慈  
懷聿扶新政 云云

百日慰皇帝表

烏號浸遠九土同悲駒隙易流十旬如隔撫時哀歎易月徬徨恭  
惟皇帝陛下歷數有歸羹墻如對雖擗踊哭泣曷勝父子之情而  
朝覲謳歌當慰臣民之望願節宅憂之制益威繼志之圖臣承乏  
偏城阻趨嚴陛 云云

慰太皇太后表

烏號銜恤悵再隔於月遊龍寢闕朝恍十周於日浹流光何速哀  
思欲摧恭惟壽和聖福太皇太后陛下宮壺宅尊簾帷託重雖道  
乾坤正氣集 卷八十八

七

揚王命不勝慈極之懷然燕翼孫謀當念皇圖之本願體臣民之  
戴少寬朝夕之思 云云

慰皇太后表

雲升梧野頓隔千秋日短莫階駕言十浹委裘禍迫捐珙哀深恭  
惟皇太后陛下教盡人倫慶隆母道雖易月以日難窮伉儷之悲  
然薦子於天正重攜持之託願俯從於中制用式副於羣情 云云

期年慰皇帝表

追玉几之遺言制嚴易月服練冠於初祭哀重感時霜露深悲乾  
坤罔極恭惟皇帝陛下孝治天下統承先王雖見堯於墻克篤終  
身之慕然纘禹之服所期大器之安願從禮制之宜少副輿情之  
望臣屬縻藩屏阻造闕庭 云云

慰太皇太后表

訓予命汝易月有嚴練冠慨然周星何短哀承遺制痛結慈哀恭  
惟壽和聖福太皇太后陛下德紹宣仁功侔明肅天經地義扶嫡  
統於方新日邁月征悵宸旒之愈遠願勉從於衆志姑少抑於至  
情云云

慰皇太后表

悲捐玉玷痛極呼天祭服練冠制嚴易月乘雲浸遠濡露何堪恭  
惟皇太后陛下德佐先猷慶鍾神胄雖徬徨虞汭望欲斷於蒼梧  
然婉變周姜任方隆於京室願少寬於哀匄用丕贊於鴻圖云云

再期慰皇帝表

龍湖未遠可悼易月之喪駒隙幾何已舉再期之制羹墻如在霜  
露孔哀恭惟皇帝陛下道盡人倫位隆世嫡雖終身慕父難窮至  
性之悲然億載怡親方疊慈顏之養願重承休之託少寬追遠之

乾坤正氣集

卷八十八

六

懷臣隲綴蕃宣阻班軒陛云云

慰太皇太后表

終天巨釁降割一朝易月通喪寓言再歲仙遊未遠慈抱難居恭  
惟壽和聖福太皇太后陛下功在先朝志勤內治雖變生憑几悵  
闕問於雞鳴然寄重垂簾方稽謀於燕翼願抑無疆之恤益昌有  
大之休

慰皇太后表

望斷乘雲悵龍驂之浸邈制嚴易月恍鳳歷之再周凡屬禱封式  
同追慕恭惟皇太后陛下承天功大與子仁深雖悼舜陟方不替  
蒼梧之望然開周嗣歷方隆豐芑之休願少抑於哀悰用永綏於  
神器

禫祭慰皇帝表

龍御何之方切綴衣之痛駒陰未遠已驚釋禫之期易月從宜感時增疚恭惟皇帝陛下恭默思道愛敬事親天作之君當周艱而卽命日致其孝將舜慕以終身願寬追遠之至情本慰蒼生之渴望臣濫承郡綬阻綴朝班二云云

### 慰太皇太后表

袞衣萬歲痛隔終天禫服一朝權從易月感時憂戀率土盡傷恭惟壽和聖福太皇太后陛下德著寶祿功藏金匱撫鼎湖之龍去子保何追懷豐水之燕貽孫將有衍願勸普天之望式紓慈極之悲二云云

### 慰皇太后表

官車輟駕浸遠翠華國典行權恍終素蹕託言釋禫胡忍免喪恭惟皇太后陛下夙著脫簪驟罷捐珉梧雲不返永爲禕翟之傷乾坤正氣集卷八十八九  
然芑水方來共後簾帷之助願釋居諸之感俯從遐邇之情二云云

### 賀皇帝聽政表

思皇烈考誕受寶龜於穆嗣王甫攸治象慈簾保佑熙政闔明恭惟皇帝陛下德實天生動爲世則入于翼室稱元子以宅宗出自應門會諸侯而作誥欽奉怡愉之訓爰親兢業之幾旣兩宮垂拱以無爲宜四海謳歌而來覲臣屬縻郡國隄戀闕庭御延和殿之正朝願光祖烈奉紫雲樓之盟誓第守藩條

### 賀太皇太后同聽政表

綬壽而右文母高拱慈宸肖德而有神孫共臨幾政徽音洋溢光訓昭宣恭惟壽和聖福太皇太后陛下功邁塗山德高媯汭施于帝社已深慶錫之源保我後生益衍壽寧之福章憲垂簾於天聖宣仁稱制於延和紹昔大猷爲今懿範臣屬縻守綬欣聽俞綸太

易太始太初莫測無爲之化四門四聰四目共觀有道之朝

天瑞節本州賀皇帝表

龍德御天重華于帝虹書流渚長發其祥萬姓躡呼三辰擁佑恭惟皇帝陛下聖德克肖天性自成光北斗之樞篤生黃帝美南山之壽誕命文王節屆千秋時維九月臣縻身侯度拜手王休三千臣同心永言華壽五百年生聖敬贊河清

賀太皇太后表

聖王垂拱萬年方開燕翼太皇怡愉億載親見虹流海宇春輝宮闈日永恭惟壽和聖福太皇太后陛下身基美化德著慈元正位而定家人功高配祖介福而來王母慶積貽孫律協素商節書金籙臣濫膺藩屏阻賀簾帷假樂命之慶春秋之鼎盛思齊聖也同日月之離明

乾坤正氣集

卷八十八

三

賀皇太后表

龍德方升祥書載震燕謀有慶福萃重坤旗翼光華幅員熙洽恭惟皇太后陛下道侔博厚德備仁明虞汭來嬪女于舜帝周京作配生此武王方觀日上於扶桑隨紀虹流於華渚臣濫叨一障隄企于班大域中王旣祝華封之壽爲天下母願齊西極之年

天瑞節鈐司賀皇帝表

謳歌與子方開捧日之祥福祿宜王初紀流虹之慶光生宗社歡溢堪輿恭惟皇帝陛下天德生知乾元首出載震載夙膺天地之珍符繼聖繼明正春秋之嫡統當瑤光之瑞節際金題之昌辰臣分虎有嚴并鰲欲舞呼玉卮之萬歲隄贊王休進金鑑之千秋嗣殫臣職

賀太皇太后表

萬壽齊天思齊以聖千秋紀日長發其祥廣宇休揚重闈慶洽恭  
惟壽和聖福太皇太后陛下以女堯舜爲今嬖任有典有則之貽  
輔于皇祖立政立事之準訓乃文孫當月屆於素商喜節書於華  
渚臣狼塵戎轄阻賀宸闈請祝聖人旣效堯封之職亦佑文母載  
廣周頌之章

賀皇太后表

辛歲重光昔符夢日乾元首出今紀流虹歡溢華封慶歸長信恭  
惟皇太后陛下徽音大雅美化二南德配重華觀嬪于泃祥開長  
發立子生商扶暘谷之初升紀高禩之載誕臣領鈐偏郡銜表明  
廷五百歲河清旣覩聖人之出三千年桃實願同王母之尊

大行皇帝謚號本州慰皇帝表

祀以配天致聖人之達孝廟可觀德彰烈考之隆名典冊千年宗  
乾坤正氣集

卷八十八

三

祀九鼎恭以端文明武景孝皇帝光宅天下簡在帝心敬直義方  
煥經天而緯地事名物應昭修政以攘夷大德大功立親立愛自  
生民而未有熙鴻號於無窮恭惟皇帝陛下離象重光乾龍首出  
聖盡倫王盡制始于家邦宗有德祖有功行其典禮式崇徽譽昭  
對皇靈臣叨領虎符欽傳駿命告神明頌盛德已觀國典之光薦  
郊廟揚洪休尙述侯邦之職

慰皇太后表

居長樂之宮興懷鶴駕瞻顧成之廟肇錫鴻名大冊垂榮慈哀悼  
往恭惟壽和聖福太皇太后陛下以天下養與二元氣游明肅臨朝  
親立仁皇之策宣仁在御永懷神考之思丕對皇靈昭升熙號臣  
屬縻侯綏阻慰震簾

云云

慰皇太后表

九疑陟遠莫返皇靈七廟升宗聿彰世德洪名有赫哀抱彌深恭  
惟皇太后陛下位正家人道隆坤母躬葛覃之節儉厥配有光秉  
清廟之肅雍于嬪增感於惟大冊肆對皇穹臣跡繫分符神馳望  
闕云云

大行皇帝諡號鈴司慰皇帝表

翼室宅宗考先王之制禮觚壇告帝爲烈考以易名大冊遙彰皇  
靈昭假共以端文明武景孝皇帝體元居正持盈守成端獨化之  
原文經天地明萬幾之理武定邦家景行有容孝思無極上可以  
配祖宗之德下可以垂子孫之休恭惟皇帝陛下弼我不基鑒于  
成憲寧王克綏受命篤棐忱辭嚴父莫大配天答揚光訓奉徽稱  
於宗祀昭縟典於明時臣通領戎昭疎承帝號堯萬世如見莫名  
勳蕩之功周諸侯來朝第贊肅雍之精

乾坤正氣集

卷八十八

三

慰太皇太后表

盛德之祀百世肇建嘉名太皇之壽萬年典懷縟典慈宸惻楚穹  
覆鑒觀恭惟壽和聖福太皇太后陛下懿範兩朝仁恩四海爲元  
氣母克篤貽孫育天下君忍聞禰禰哀時大號對越皇靈臣身貳  
戎鈴心懷國典云云

慰皇太后表

大德得名尊歸昭考嗣王謀廟上奉徽音宗禰休揚官闈愴極恭  
惟皇太后陛下儉昭練服中協黃裳嗣任德之肅雍思齊以聖名  
堯功之巍蕩煥有其章聿深羽翟之懷於赫觚壇之告臣猥兼戎  
韞諭贊邦彞云云

冬至節本州慰皇帝表

一陽來復感駒隙之易流三祀諒陰悵烏號之浸邈愴深履艱悲

著羹墻恭惟皇帝陛下清明在躬恭默思道水有源木有本方嚴祭祖之時霜旣降露旣濡不替思親之念少叩居諸之勸仰膺付託之隆臣逃守遐邦阻班嚴陛誦先王省方之戒願謹起居秉諸侯謀廟之忠聿懷奔走

慰太皇太后表

暖律吹噓感一陽之初復慈簾擁佑訓三祀之通喪痛在宮闈情均海宇恭惟壽和聖福太皇太后陛下徽音慈福懿範宣仁履職逾長天休方至冕旒問寢子保奚追願少抑於慈懷以永綏於孫翼臣屬縻侯服踰企御闈

云云

慰皇太后表

復陽在地氣應黃鍾坤德承天悲深素躡六宮增疚萬宇永懷恭惟皇太后陛下長信宅尊思齊繼美手扶宮日坐占千歲之長日

乾坤正氣集

卷八十八

三

斷臺雲尙想九疑之遠願紆哀於儷極以永翼於皇圖臣逃守江城踰瞻禁闕

云云

啓殯慰皇帝表

三年諒陰不言悲深翼室七月同軌畢至告啓敢塗遠日戒嚴終天增慕恭惟皇帝陛下外勤謀廟內奉臨朝制爰舉於因山龍輶將駕情永懷於陟岵鳳紼奚追願寬劍舄之思益重基圖之託臣屬縻斗壘阻慰宸庭

云云

慰太皇太后表

居長樂之漢宮永懷鶴駕卜會稽之禹穴垂戒龍輶悲結慈闈痛均溥海恭惟壽和聖福太皇太后陛下憂勤德備擁佑功高百世可知首正貽孫之則七月而葬豈勝思子之懷願東望以節哀重外朝之同御臣身縻乘障跡阻趨班

云云

慰皇太后表

龍湖言遠椒掖永懷鳳翼戒巖敢塗載開六宮雨泣萬宇雷哀恭惟皇太后陛下儷極勲高正家化洽撫軒皇之劍舄耐賁橋山奉舜帝之衣裳思葳梧野尙軫乾坤之託願紆朝夕之思臣身繫分符神馳攀紉云云

發引慰皇帝表

鸞車旣駕陟岵哀深龍匣畢塗崇邱制舉新宮永闕翼室增傷恭惟皇帝陛下思道諒闇送終哀戚居喪讀葬禮不愆復土之期因山不起墳尤切望陵之感冀少寬於孺慕以丕重於宗祧臣縻跡候藩傾心宸陛云云

慰太皇太后表

日淪西極悵鶴駕之長遊天拱東朝痛龍湖之永闕重闈悲繫九乾坤正氣集卷八十八

西

土慕思恭惟太皇太后陛下福備怡愉功高擁佑撫綴衣於翼室億世貽孫念加斧於畢塗千秋望子願抑思齊之感益昌小志之謀臣叨領偏城阻趨慈陛云云

慰皇太后表

國謹重喪龍棺就殯禮襄大事鸞掖興懷海宇同哀山陵告備恭惟皇太后陛下憂勤孔夙哀感謹終媿洒居諸悵虞琴之已遠會稽咫尺望禹穴以奚追願紆旣葬之悲式相維新之治臣承流有守伸慰無從云云

耐廟慰皇帝表

先帝之葬衣冠載虞神祐嗣王之奉宗廟丕耐皇靈昭穆用休典章備舉恭惟皇帝陛下以舜大孝居商諒陰如慕如疑旣畢因山之禮以享以祀聿嚴升禩之恭勉承翼翼之容深抑煢煢之感臣

屬縻收訓阻奉駿奔

云云

慰太皇太后表

嗣王宅恤奉先祐以升宗聖母思齊感皇靈而悼往禮容有赫祀事孔明恭惟壽和聖福太皇太后陛下陛下壽考維祺口慈爲寶佑我烈祖有典則以貽子孫保予冲人修宗廟以序昭穆祔旣行於永紹哀少釋於慈元臣叨綴蕃宣阻班奔走

云云

慰皇太后表

地隔丹洲畢舉九虞之祭天臨清廟昭升七世之宗屢主思皇椒闈若惕恭惟皇太后陛下性鍾慈儉德備憂勤嬪虞帝以曰欽陟方浸邈對文王之於穆率祀惟恭願紆坤極之思益衍乾符之慶臣屬縻民牧莫效侯朝

云云

正旦慰皇帝表

乾坤正氣集

卷八十八

五

王正書月景命維新靈德在天孝思罔極運開歷數哀勳几筵恭惟皇帝陛下思道奉先與時更始王受同瑁祭不替於元辰帝見羹墻禮益嚴於上日願抑居諸之感丕承擁佑之恩臣屬守偏城阻趨嚴陛

云云

慰太皇太后表

正月始和律更太簇昊天不弔痛在思齊歷數維新宮闈孔惻恭惟壽和聖福太皇太后陛下爲元氣母與太極游孟春而戒道人撫時其邁上日而受文祖擁治方新願寬丕子之思益重神孫之託臣屬縻宣化阻慰履端

云云

慰皇太后表

義日更新治開泰象虞雲浸遠悲在乾元駒隙易流烏號何及恭惟皇太后陛下光輔先帝敬授人時元會衣冠尙想熙明之政月

游劍鳥忍間永紹之名願寬悼往之哀悰益撫履端之昌運臣屬  
縻一障阻慰三朝二五

### 改元賀皇帝表

春王會於三朝慶開景運皇天佑于一德治紀初元正朔肇新乾  
坤有造恭惟皇帝陛下春秋正始歷數在躬仰則定陵開三傳之  
丕祚近稽哲祖基七葉之昌期放鳳歷以改絃衍鴻圖而下鼎臣  
親逢更化適綴承流揚偉蹟鋪闕休恪共侯度撫太平應昌歷謹  
授人時

### 賀太皇太后表

天王一統爲元載彼正朔太皇萬年齊壽同御邦家日月重明乾  
坤更始恭惟壽和聖廟太皇太后陛下道符烈祖功擁神孫乾德  
太平訓實承於昭憲元祐盛際政共聽於宣仁海開更瑟之休實  
乾坤正氣集卷八十八

三五

繫垂簾之盛臣叨承侯服丕奉慈宸基正始之風已新美化播思  
齊之頌永載徽音

### 賀皇太后表

春秋以一爲元歷開昌運關雎之化正始本在慈宸正朔更新國  
家胥慶恭惟皇太后陛下有娥長發太妣思齊齊壽以奉太皇德  
惟子肖受福而于王母祐自天申宜渙號以繫年示同文而更始  
臣猥乘一障丕戴三宮當昌歷應休期已供侯服綏眉壽介繁祉  
益贊母徽

### 歷日謝皇帝表

乘龍御以紀年一元正始詔虎城而頒朔千里承休敬授人時對  
揚王命恭惟皇帝陛下明哲作則歷數在躬欽若昊天熙春夏秋  
冬之績建用皇極協兩陽寒燠之疇乃誕布於成書以昭垂於新

治戶蕃宣有恪播告惟恭錫厥庶民順中星而平秩佑于一德歌  
化日之舒長

謝太皇太后表

歲正孟陬一元改紀朝臨長樂萬國頌正春朔會同神人和洽恭  
惟壽和聖福太皇太后陛下怡愉萬歲擁佑一人肖德而有神孫  
光膺昌歷受福而于王母丕輯蕃禧載頒協律之書式重垂簾之  
政臣欽承鳳紀誕布侯藩聽嶰竹之歛誕敷和氣獻蟠桃之頌益  
贊壽眉

謝皇太后表

鳳歷頌春東朝介福虎城告朔北面承休歲定四時天佑一德恭  
惟皇太后陛下思齊肅穆少廣怡愉訓示塗山歷開禹子敦行渭  
浹紀協周王春朔攸同乾坤交泰臣承流下障奉令孟陬協和萬  
乾坤正氣集

卷八十八

七

邦第贊定時之績嚮用五福益陳曰壽之休

壽崇節本州進功德疏

九龍吐水當摩耶產佛之辰萬歲呼嵩上大母延年之請敬憑二  
代仰贊千齡壽和聖福皇太后陛下恭願大安大榮至愉至佚慶  
雲五色現南極之祥光壽域八荒衍西池之長算

鈐司進功德疏

三寶曰慈南極衍太皇之福五兵不試西江陶聖化之風仗仙釋  
之殊因贊宮闈之不慶壽和聖福皇太后陛下恭願位隆少廣算  
等崑止仰大慈尊誕節正同於盛旦得無量壽長生永協於先天  
乾會節本州進功德疏

聖瑞虹流開半千之休運官聯虎拜瞻尺五之清光靄玉翠之祥  
氛哀緇黃之妙果皇帝陛下恭願駿聲克廣龍德方中地久天長

壽命衍洪源之慶河清海晏皇圖鞏磐石之安

鈐司進功德疏

天臨寶位夙開繞電之符地領玉鈐載罄呼嵩之祝謹率兵戈之屬虔修道梵之緣皇帝陛下恭願玉燭四時金湯萬里元龜大貝梯航來川岳之珍歸馬放牛旗蓋壯東南之運

天瑞節本州進功德疏

飛龍在天大橫有兆流虹貫月景命維新濱道梵之真銓崇聖明之瑞節皇帝陛下恭願維天其右如日之升五百歲而生已開昌歷億萬年其永益鞏皇圖

鈐司進功德疏

爲天下君祥書帝武祝聖人壽歡動戎昭闡二氏之眞料崇千秋之誕節皇帝陛下恭願泰元有相長發申休在辛歲曰重光方升乾坤正氣集卷八十八

天

如日以乾元正五位多歷斯年

大行皇帝升遐本州進功德疏

帝棄羣臣忍傳末命教宗二氏恭薦殊因慨極烏號戀深蟻慕大行皇帝伏願游神極樂觀化太虛十四聖之在天皇靈陟降億萬年之與子丕祚綿洪

鈐司進功德疏

出宮駕晚綺素興哀望闕臺孤縉黃嚴薦恭哀冥福適相宸游大行皇帝伏願性悟眞如道超無極成慶而垂萬世事齊九廟之靈後天而彫三光長作百神之主

皇帝聖躬違和保安諸廟疏

天子萬壽詎期無妄之災臣人一心共俟有神之相惟帝齡之悠久實神貺之扶持名山大川尙鑒孳繫之意普天率土不勝葵藿

之私

本州宮寺保安疏

皇極九五福合率土以傾心帝壽千萬年籲慈尊而請命皇帝陛下伏願寅畏享國清明在躬王受命無疆惟休誕迎和氣天行健自強不息丕享修齡

鈐司宮寺保安僧疏

惟聖宅尊共祝一人之慶以臣請命敬皈三寶之慈皇帝陛下伏願歷數在躬神明其德九五福曰壽丕享康寧億萬載齊天式臻永久

道疏

率土傾心均願聖人之壽籲天請命肅禪臣子之忱

同前

大行皇帝遺詔本州成服道疏

乾坤正氣集

卷八十八

堯

道揚未命忽聞晏駕之音瞻仰昊天上訴遺弓之慟修崇冥果攀慕遐征大行皇帝伏願返于混元光我烈祖洋洋而在上俯察臣民剡剡以揚靈永綏宗社

僧疏

捧九天之遺誥帝馭何追皈三寶之眞乘臣心欲剖

鈐司成服道疏

吳穹降割悵宸馭之上賓率土興悲望帝庭而哀籲虔資冥福邇相仙遊大行皇帝伏願靈德昭回皇明陟降衣冠雖邈會烈祖以在天宗廟如存朝百神而爲主

僧疏

吳穹降割慟玉仗之上賓率土興哀望金仙而仰籲虔資冥福邇相仙遊

本州成服滿散疏

制嚴易月痛君父之逼喪望極乘雲薦人天之勝果露香跼踏釋  
經悲傷大行皇帝伏願堯性常存舜明不隔成慶而垂萬世聿齊  
九廟之靈後天而彫三光長作百神之主

鈐司成服滿散疏

捧易月之制書萬邦哀痛修升遐之冥果三寶證明喪紀有嚴孝  
思罔極大行皇帝伏願羹牆不遠劍舄如生帝鄉而乘白雲眞游  
冲漠孫謀之注豐水遺澤深長

大行皇帝本州追嚴道場疏

維新陟王悵皇靈之日遠演大乘法資勝果於天游悼痛深深薦  
言有倣大行皇帝伏願性超清淨德邁圓通生爲帝沒爲神豐功  
不泯高配天厚配地明德無疆

乾坤正氣集

卷八十八

三

鈐司追嚴道場疏

皇靈冲舉莫追汗漫之遊淨業眞如式薦逍遙之果終天哀痛率  
土慕思大行皇帝伏願陟降太虛超升無極儼橋山之劍舄

辭免新除秘書省正字狀

具位文天祥照會十月二十六日伏準省劄十月三日三省同奉  
聖旨文天祥除秘書省正字者某猥以疎賤叨被聖恩望闕瞻天  
莫知所措伏念某自叨親擢未歷外庸以讀書學從政之方以奉  
祠爲書考之日方竊山林之暇敢圖臺省之登負乘非宜循膏無  
任伏望公朝特賜敷奏令某滿足宮觀兩考日祇被新命其於出  
處得宜庶幾無負聖明拔擢之意所有省劄未敢祇受除寄本州  
軍資庫外須至申聞者

再狀

具位文某照會於去年十月二十六日伏準省劄十月二日三省同奉聖旨文某除秘書省正字者某伏念一介庸賤叨竊非宜加以從仕以來未有庸歷輒具狀申控乞候宮觀兩考滿日祇被新命十二月二十九日伏準省劄十二月九日三省同奉聖旨不允某除已望闕謝恩擇日前來供職外須至申聞者

辭免知寧國府狀

具位文某照會伏準尚書省劄子四月十七日三省同奉聖旨文某差知寧國府替未應元缺者起家超躡望闕徘徊伏念某實無他腸粗有遠志昔年憂國冒當重任之難數歲杜門寧悔身謀之拙屬明良之胥慶念岳牧之疇庸會謂柄遲遲叨選用惟是某省愆已至貶秩猶新雖公論至久而愈明而丹書未謂之無過儻不量於出處是自速於顛墜欲望公朝特賜敷奏收回成命改畀叢乾坤正氣集

卷八十八

三

祠使某得以讀書養親安身寡過他有驅馳之日無非報效之年所有省劄已寄畱吉州軍資庫未敢祇受須至申聞者

09972

